

識重刊後園存集刻後

族太南後園翁詩文四卷原梓于洪武癸
亥尋經回祿迨今百有餘歲未有克復之
者嘉靖庚戌春族裔孫蒙琰通珀運新輩倡欲
翻刻請正於族于是衆義樂成踰月而工
畢復以其孫景高公詩文若干篇附于後
此猶見斯文之有嗣而吾黃氏之詩禮弗



替也則夫規、於末利是圖是吝侈然自
富易世無純者視後圃翁二百年之斯文
景高公之繩其祖武今日之烈爲何如所
謂黃金滿籬不如教子一經是也刻完敢
識此以告諸後人使知斯文之可貴而末
利不足尚以詩書淑其子孫豈不偉歟時
夏初吉日果頌首謹識

重刊後圃黃先生存集序

予少讀家集以見先伯父大理都
憲二公皆與古林黃世瑞氏詩筒往
來甚密而都憲公贈言且比之梅都
官慨晚生不及聆其議論也長與
黃雪亭交求世瑞遺文則不可

得又聞古林者後圃先生者以詩鳴
國初亦莫得而覩也為之悵然夫先
世之美泯然弗傳多孫之責也先達
之賢闕而弗知後進之思也今予老
矣一日雪亭之子達之持一帙謁予
曰此後圃先生存集也其後附一帙則

先生之孫景高翁集也敢請執
事序而梓之予躍然喜如獲舊朋
望而論其世曰先生父君啓翁叔齊
儒也與朱風林趙東山為友先生遊
二公之門甚久此先生之淵源也子則
惠克世其學為今詩禮代不乏人

自景高翁下有世瑞翁大著聲
成化間遊京師縉紳士咸重之
此先生之流風也予曰世瑞氏乃吾後
人耶又曰先生元季肥遯不蓋名利
惟復孝友以所居讓二弟而結茅
後圃者之叔人稱曰後圃先生日月

既出樂為太平之民有聘召不應也
以書自娛而已平生製衣作甚富成則
棄去曰適吾去耳乃欲以傳世
乎既已世則惠與其門人戴此玉
李本立輩遍訪之如搜遺捕亡得什
一於千石時六入梓而後復失之逮今

幾二百年無完帖矣族等是以傷
而重梓云予曰善夫文不語益先秦
哉詩不風雅黃初哉而況不先秦不
黃初哉先生之見遠矣然而精神心
術於是乎存木石之心守也桑梓
之必恭也而况言語哉在後之人固不

可以若是熱者則子仰之曰世瑞之遺
文如何曰方將圖之予曰甚善記所謂
仁明者也果能則一家之文獻之徵
矣

嘉靖庚戌之歲端陽日

賜進士出身中憲大夫雲南等處提刑

揭密司副使後學方塘汪思序



重刊後圃存集序

予嘗憫衆人之生其勤悍勞苦畢一世之力莫不歆以有所立而托不朽方其意氣之盛若足以摩霄漢而摧金石亦足杜笑然得乎存者易亡而同乎盡者無餘榮華未幾感慨生焉惟斯文在天地間可愛可傳則雖時

世之變古今衰盛異於一旦為能不墜而獨存也自胡元入主中國後華人而先夷裔茂禮教而卑儒流斯文之厄極矣後圃黃先生子運生丁叔季而耽書業儒不求聞達夷考其世則自至正壬辰蘄黃倡亂民之壯者可矢弱者溝壑賊嘗三至休寧剽掠

無寧歲先生以山谷餘命崛起環堵嘗從學於太史趙東山學士朱風林之門可謂豪傑之士矣迨

聖人出而天下平先生當偕顯于時而奪於足疾隱居教授諸公以禮樂文太平先生以德義開後學雲雷方屯則懷珍以蒙難天下文明則被褐以

沒世先生之於道可謂窮矣而其發
於詞翰咏歌之際則皆溫厚平澹非
有所養者能然哉先生焚草衡門不
欲流布乃其胤子門生蒐輯放失以
有是編回祿之餘又百餘年其族孫
輩復梓而守之蓋章美雖含芳流難
歇斯文之所以可傳而不朽也先生



同時豈無所謂得志於一時之人其
意氣之盛榮華之積寧復有存者乎
視先生之所為孰得孰失無難辨矣
宜序諸首簡以詔來者

嘉靖庚戌夏四月

賜進士徵仕郎南京禮科給事中邵人游
震得序

後圃黃先生存集序

夫文章之在世譬若良金美玉奇珍異寶有自然之貴雖庸夫愚婦亦知其爲貴矣在乎人之窮達隱顯而輕重哉故窮居隱逸之士名位不能竦動於當世而其所作文章傑然偉麗文人詞客若一見之捧玩誦讀深加歎賞不啻金玉珍寶之爲貴此後圃黃先生之存集是也先生名樞字子運所居故址讓于二弟廼於後圃構屋而居故號曰後圃先生世居休寧之古林爲詩禮家其先多著顯厥考君啓先生讀書



明理充精於陰陽地理之學與風林朱學士東山趙
太史交契甚厚以故先生出入二公之門受經講學
日益強盛見知於湘江行省總戎李克畧以禮敦請
值元綱解紐泰運未開竟無意進取乃聚徒講學與
弟子中先生日相討論隱居求志而已我

朝定國文致太平有司累舉爲校官以左臂之疾辭
不就召但以斯道淑諸人若金雪坡戴比玉俱其高
弟也先生待人循循善誘尊前席上詠歌笑語詼諧
灑落絕無崖岸倨傲氣象其諸庶務悉置度外惟讀

書論道至老不倦洪武丁巳遂以考終平生措辭爲
文發言爲詩皆合古人法度絕不留稿其嗣子則惠
撫拾於親朋間百得一二編錄成帙題曰後圃存集
俾門兄比玉校梓以求其傳復俾本立序其端顧本
立不敏亦嘗執經請業於先生之門春風時雨嚴澤
良深可無一語而贊揚師道者哉故不讓而書其梗
槩則是集之行於世必有知其言之可法者傳誦於
無窮而金玉珍寶之爲貴又奚足以齒之也敢爲序
洪武癸亥中秋日門人李本立頓首拜書

後序

後圃黃先生平生所作詩文家無完稿既歿世佳吟
雅製之贈炙人口者初不以歲月之遠而致遺逸也
歟嗣則惠父日搜月採積累既富輒以後圃存集名
其編焉其徒道生李公序之而比玉戴先生梓之又
徵予言以殿之予惟吾儒者詩文世或方之爲珠玉
則珠玉者純粹之至也又方之爲錦繡則錦繡者華
燦之至也非純粹則不足以事乎道非華燦亦何由
而名其能法度維持才美高著此誠儒者之家寶也

然或爵而不揚靈朽塵荒如前人何必也整護操存
洞洞屬屬以興起夫爲人子孫者忠君悌長孝敬之
道蓋以古者天王告終易世則赤刀大訓弘璧琬琰
大玉夷玉天球河圖與夫胤之舜衣父之戈和之弓
岳之竹矢重輝香彩環布森列非直爲觀美計也誠
以天生地毓裕之於人保而存之其可以不盡其心
乎若夫寶玉大弓之見書於春秋也始失之則書之
既得之又書之聖人於器物得失之間而兢兢焉致
繫其辭焉果無意乎今也以則惠父之讀書學問則

儒者之嗣胤也蒼顏皓首則鄉曲耆舊之循守家法者也能使後圃先生之文章詞翰與大江東之練帶花屏相爲長存焉此繼美傳芳之尤取重於宗黨親友者也又足以見其徒之仁而不遺其師者也喜而書之

明洪武癸亥重陽日

楚府伴讀前休寧開化蘭溪三縣儒學教官姻友生
汧口程叔春謹序

後圃黃先生存集目錄

一卷

五言古詩二十九首

七言古詩二十九首

二卷

五言律詩二十一首

排律詩二首

七言律詩五十三首

三卷

五言絕句八首

後圃存集
七言絕句三十八首

詩餘七章

四卷

序七記六跋三說二頌一文二狀一

後圃黃先生存集目錄終

後圃黃先生存集卷之一

門生戴珙 校梓

古林山房 重刻

五言古詩

吳子芳楓林牧隱

露晞春草細林遠青楓長中有沮溺徒結廬先隴傍於
焉可畊稼自牧牛與羊摺腰笛竹短挿笠山花香犢飽
夕言歸濯足澗月涼喟彼塵世人馬蹄終日忙橫眠綠
蓑軟官羨金鞍光老農願卜鄰持鞭白雲鄉招我金華
仙與爾參翺翔



後圃存集
七言絕句三十八首

詩餘七章

四卷

序七記六跋三說二頌一文二狀一

後圃黃先生存集目錄終

後圃黃先生存集卷之一

門生戴珙 校梓

古林山房 重刻

五言古詩

吳子芳楓林牧隱

露晞春草細林遠青楓長中有沮溺徒結廬先隴傍於
焉可畊稼自牧牛與羊摺腰笛竹短挿笠山花香犢飽
夕言歸濯足澗月涼喟彼塵世人馬蹄終日忙橫眠綠
蓑軟官羨金鞍光老農願卜鄰持鞭白雲鄉招我金華
仙與爾參翺翔



UNIVERSITY OF TORONTO LIBRARY

南山幽居

野鳥栖茂林池魚躍深淵觀物識去就亦有吾宗賢清
時厭塵市結屋南山前風塵忽瀕洞高隱差安便窓扉
山氣佳臺沼花陰妍壺傾客已去徑枕清風眠高招栗
里翁一笑同悠然

樂志善所藏陶淵明畫像

五柳弄碧色衆菊含秋芳興懷栗里翁寸衷爲激昂憂
勤企賢聖氣致超羲皇但謂特隱逸豈能詳厥臧觀其
所詠篇荆軻與三良始欲身徇國寓意何慨慷述酒雖
度詞三復增悲傷耻周西山夫報韓張子房尚友千載

人前後相輝光蒿目視時貴轉丸爲蜣螂留身後名
長與黃花香有客事戎幕爽氣浮清揚曾出望諸君襟
度殊慈祥慕彼晉徵士畫像藏巾箱今日白衣來得酒
盈清觴邀我坐東籬索我題詩章因將靖節心與君細
論量飲酬得縱筆勿謂吾爲狂

贈朱希陶處士

處士如晉賢風流今罕有名希采里翁曾出惠州守結
廬遠人村亦有門前柳賦詩臨清流力畊在南畝肯效
世間兒紛紛事奔走我本素心人俗事不掛口時來共
琴書葛巾漉春酒

樂志善晦蟾軒

九天白玉盤豈能常奕奕三五才得圓二八已漸黑生
魄復生明萬古無變易有客早慕道對月三歎息蟾猶
自晦光人胡不晦迹未能蛻塵喧擾擾竟何益遙憐欲
奮飛徘徊在中夕何時坐客軒斗酒話疇昔取月出懷
中清輝滿瑤席

羅傳道所藏吳西村山水

陰壁馮危瀑直下踰千尋石梁樵逕緬翠澗烟霏深叢
林護雲構俯視光沈沈商帆與野舫恍轉瀟湘潯西村
爲幽趣價重雙南金感之動歸興山陽罷鳴琴人間有

茲境願與長登臨

曹從善對航齋

大隱歛城南書帷野航小中有素心人樂靜觀魚鳥窓
明錦水花戶帶湘江條已無風浪憂宛在暮塵表嗟彼
事豪華朱樓出林杪何當一朝居世累終紛擾時節適
寒溫日月更昏曉願如蓑笠翁長占臨江渺

代時和錢切懋赴吏部聽選

酌子一斗酒贈子五言詩酒以澆難懷詩以致苦詞我
昔入宦途出逢山海移早慕梅福仙投簪賦歸歎悲歌
擊唾壺老以何能爲子今如大阿寶匣光陸離氣以衝

牛斗利可刺蛟螭丈夫志四方去去夫奚疑微垣集孔
鸞樂在新相知努力樹修名慰我悠悠思

松月齋

為蘇彥實作

長松晚風發吹月來海東幽人情無言坐玩空齋中斯
須綠烟散滿眼寒朦朧流光動玉兔怪影翻驪龍解道
夜窓虛浩然坐詩窮徘徊不能寐清賞差誰同

朱子良群鮮朝鯉圖

赤鯉將化龍鬚鬣異凡鱗群魚若朝宗作隊隨波神信
彼蜂與蟻固不亂其倫物理有如此嗟哉矧伊人長洲
芳草淺吐涵青蘋坐我華軒下恍見滄江瀟滄江風

浪惠為爾一沾巾

巳酉秋至小校見內弟姚學有感而作

秋氣集攢嶂風日殊清佳幽尋歷谷南松嶺香松花躡
蹠仗筇若不憚十里除并登葉嶺顛復降校水涯平疇
忽如席稍見菜與麻山深仍可休碧澗濺琉璃沙樓臺倚
喬木宛若龐公家相傳李唐時助茲築烟霞思予外王
父善積衆所誇稚褘從來寧啼咲聲呀呀回頭五十年
今看鬢都華悔翁父飛仙妙句留天葩見舅如母存此
語尤傷嗟喜聞絃誦聲入戶書橫斜青衿拱陔案一一
皆蘭芽見我即開尊不但具果茶怡然古意存孰得相

疵瑕臨分重躑躅歸步追昏鴉

于子玉宣使望雲思親圖

遊子涉遠道駟牡方駢駢鄉關渺天末矯首雲孤飛何
當鍊身去綵服趨庭闈鶴髮應倚門念子遲遲歸喜占
靈鷲屢書報征鴻稀歲月自飄忽王事安可違萋萋原
上草尚媚三春暉如何空悵望老却故山薇

陳自新勒有堂

溱溪涵回環瀛山毓神秀伊昔有鴻儒辛勤起華構棟
梁勢已高榱桷材俱茂竹簡五車多石盤一朝透雖不
耀于時立言垂永久曾枝稱自新堂扁今仍舊春風滿

簾櫳燕雀喧長晝六籍膏可含百氏芳宜漱願言無懈
心庶保斯文壽

汪宗愈省掾園趣亭

繡溪帶層城芳園偃平地構亭高柳陰而焉覽佳致仰
稽陶令賢傲游酒塵慮撫松春雨晴採菊秋節至豈不
戀幽栖簡牘方爲累我我紅藥堦皎皎青雲器終當晝
錦歸清賞遂成趣

題江原賓雲畊卷

番陽江君原賓以雲畊自號或謂江君文士也能畊
與不未可知雲乃山川所升之氣而可畊乎吾應之

曰可昔宋徽宗時人有以油絹漿酒之以水而張於懸崖絕巘開雲氣奔騰而入則括囊而貢於良嶽飛騰冉冉名曰貢雲而陶弘景之詩非貢不堪持贈也是雲可貢則可贈可贈則可畊也遂想像其雲畊之趣賦以贈之

江子事雲畊晨興理蓑笠叱叱牛背寒翻翻土膏濕潑然若饒蒸生意清原隰遂能讀我書不但食其力一簞餉炊黍雙角掛經帙吾亦爲老農筆耒無他術願同龍畝間相從告春及

有山樓

人居萬山裏好山如畫圖襟期困塵土看山有若無孫公擅幽獨飛樓起丘隅朝嵐獻瑰詭夕靄蔽模糊我來其登臨攬秀傾芳壺巖崖儘峭厲林壑從崎嶇如何欲移去一笑愚公愚

寄戴尚文

好雨發枯枿新雷起蟄虫陽和已浩蕩生意俱潛通胡爲五色鳳久困虞羅中嗟予豈不懷柰阻山川重願言惜其祥無與鳩爲同朝飛崑崙圃夕宿蓬萊宮三維日已長清賞聲離離慎勿有遐心佇看瞻鱗鴻

猶子寶樹袖至子中弟悼幼子詩就用韻

仲氏有幼兒外秀中殊慧每期必亢宗疇云我非智雖
傷鷄鳳毛璞毀璫璜器豈我門祚衰殆爲天所棄夜雨
聒悲懷春風吹老淚從此到山房目中何足慰蕭艾徒
敷榮蘭芽竟枯瘁幸非束藤棺工師執斤鋸空山固荒
寒祭埋因地利吊者方在門廣致相寬意願我自摧頽
胡不蛟塵世客亦悄無言長吁出門去

江彥名萬松書隱

種松以萬計秀色何瀾漫濃陰亘山谷直幹排雲端中
有讀書堂講席峨冠清琴操別鶴綠筆驚回鸞老龍
磔綠鬚仰嘯天風寒諸生坐長夏暑氣那能干朝家正
需材丈引來循環棟梁與椽栴采之不可殫

金廷美易安堂

璫溪有奇士遠自燕山回飄零易學幾歲月驚相催理
我先人廬翦我故園萊易安在茲室洒掃無氛埃琴書
與尊酒逸興何悠哉唱彼當世人結搆高崔嵬雕梁拔
地起朱戶青雲開倏揚滄海屢屢變昆明灰黃梁炊未
熟西極陽光頽懷哉五柳庄早賦歸去來清風凜孤特
千載同徘徊

吳希道所藏其先人均儀父植耘亭卷

休官樂農圃構亭在園池於焉植其杖春風自耘耔天

時不停息地道無窮期良苗始厭厭衆草還離離
或少勤草豐苗不滋勗哉爾後人無忘厥父菑

送于安民館朱仲遠氏

古柳蔭荒溝嘉禾被長坂隱約數家村紅光炯宵鍛是
中有高人兄弟嗜詞翰虛堂秋氣新兒童立髮非民也
求爾書明當假斯館易養正於蒙書惟教學半動止慎
威儀言辭戒踈誕聖訓在遺經義娥揭霄漢蛾飛對夜
繁雞鳴拭晨案苦思宜不眠發憤當忘飯譬彼濟洪流
操舟以爲亂力不與濤爭焉能得登岸我多姑息恩興
言愧流汗學海浩瀾漫時元假更換工夫苟能勤石盤

穿木鑽

送汪伯耆赴金陵

汪子我比鄰傷哉生理拙小屋纔兩間弊袍常百結午
籠無白烟寒噓但黃葉鄉閭推薦煩親朋勸諫切一行
作小吏才粟非不潔胡爲空自守傲兀銷歲月失脚入
縣門縮首避干謁惡惡逾探湯忍貧愈如饒拂袖賦歸
來廡名已高揭今當赴京華囊空糗糧絕回首顧妻孥
臨岐對嗚咽愧我亦寒賤無以資潤轍青雲冠蓋多義
財泉不竭藻鑑賴銜亨衢早提挈油然仁者心念此
頭垂雪庶俾在鄰封清音可頻接

送朱子會從軍江右

天寒楚波碧春早江花紅中流擊楫人從軍氣如虹廬
陵大蕃府主將文章公行當拜轅門白羽鏗談鋒依依
桑梓舊款款絲羅黃丈夫意氣合進止何從容室人歎
鳴鶴錦字擔飛鴻願言勿遐遺慰我心忡忡

題醫者程敏齋之孫修德齋

程生務修德賣藥滄市屢齋居赤巖髯白藥壺中天憂
人德不修有若沈痾纏不惜上池水割割爲洗滌舉身
躡壽域額手稱神仙行道固有得杏林紅欲然

題李生木立西靈齋卷

雲同天欲低泥凍地俱裂有客效袁安關門卧風雪餅
中儲粟空日晏炊烟絕朱門足膏梁雅不事干謁觀書
可療飢忍貧已如錫唱彼塵世人擾擾徒鋪啜視此齋
中人清風彌激烈

送金生甸士行赴成均

金生早務學屹然有令姿稚松困蒿艾幽蘭雜蕘蔬一
朝入邑庠立志從明師祇承

天子命肯效群兒癡焚膏繼日晷經籍不停披只今從
計吏戰藝登彤闈掄材錄榘楠相馬遺壯驪回首立霄
漢袍錦光參差高隨紫鳳翔遠逐駉馬馳男兒志四方

始生弧矢垂騰踏九州隘扶搖八極卑焉能重別恨青
年守茅茨嗟予老無用卧病六枳籬莫能伴僚友薄送
于門畿驛梅烟踈萼山郭明寒曦離杯已三醕去去夫
奚疑

送蕭縣知縣汪成德之任

南浦麗春陽東風捲晴霽相送桃源人去爲花縣宰牛
刀初發硯鳳毛絢新綵徐州古彭城黃河猶澆澆英雄
設形勝何須吊千載曾參舍蓋公清淨民樂愷百里撫
瘡痍斯道不可改仰聽嘉政成脩名播寰海壺傾去勿
遲蕭岷正翹待

溪南吳氏先月樓

樓高可摘星近水先得月木到黃昏時飛登廣寒闕舞
娥驂白鸞天香酒晴雪俯首瞰塵寰千山始生白君家
老仙翁倚樹情洎潔霜栖玉斧柯丁丁幾時歌一笑拊
闌干清風凜毛髮

七言古詩

題枕屏蘆鴈圖

酒酣夢泛瀟湘浦水闊天空響柔縹來遲但惜荷葉殘
不得臨汀聽疎雨驚鷗忽起吹蘆花白鴈啄碎金星沙
覺來雲卧石床冷此景死在山人家

題呂烈婦卷

無符不去寧水沒無傳不出寧火亡精誠耿耿貫金石
清節凜凜逾冰霜呂家女作吳家婦綵翼于飛如鳳凰
忽驚草動風塵起天荒地老無逃處東尋空擬桃源路
奇峰六六黃山蒼不辭辛苦窟荆棘山深乃復多豺狼
蒼黃奔逃各分散千金白璧委道傍貞心有死不可辱
香魂遽逐雲飛揚玄猿曉哭蘿月暗白鶴夜怨溪風涼
幽閨弱質真可念桃花潭水流芬芳君不見禾川譚婦
死邑庠偉哉懿德明綱常義血在軀終不泯與爾前後
吾休光

題黃山園送欽令皇甫遵道考滿

三十六峯蒼翠聯根盤百里何蜿蜒鍾靈產異生雲烟
琅玕瑤草卅沙泉流波湧溢陰火然一浴能使癆癘痊
月明生響天都巔或看鳳翼來飛仙欽邑當此黃山前
風謠處處歌聲傳盡稱令尹皇甫賢吹噓枯槁扶顛連
清秋寒露冰壺懸祇今秩滿行朝

天練江花底開離筵千鍾不醉心悄悄山中青壁高且
堅已知可磨亦可鑄安得文筆如長椽紀公才名千萬
年

代陳君輔贈馬則賢詩

馬公則賢星源佳士也先世以儒醫馳聲然醫學藝
爾而通於造化唯儒明理故其爲學益粹而其道盛
行是以馬氏之醫獨超群拔萃則賢公紹其家學無
忝焉今與予以簿書俱縻於茲有同寅之好洪武八
年夏四月予遭孺疾時公方歸覲庭闈猝未可至乃
就市之醫師求藥冀速已熱悶昏亂唯日有加凡歷
三旬瀕於殆矣迨公來切脉審證問所嘗服餌乃咲
曰是抱薪而救火也此何可哉此何可哉亟更治法
劑投病痊捷於啓鑰更生之造茂以報之予顏方報
而公之色愈恬雖然彼不責報於予予知其必獲報

於天也於是采輿名作古詩二十四句以頌公之德
以表予之愧以告人之不知者

江南星渚山水奇馬家桂子昌于醫此心契天雄傑者
滿軒種杏仁聞馳身雖如蟬蛻濁世活人遠志傳孫枝
偶同瓜葛花屏下柳兒馨弟相追隨嗟予蜂房病溽暑
熱烘腦子逾蒸炊難甘遂委庸醫手蒼皇連月累卵危
有損無益智者哂因陳治法宜如斯言非草草果起死
功當歸于夫何疑况又時當半夏月雨餘涼氣浮輕絳
懸壺索寶乏補報木瓜媿誦前人詩蘇耽橘紅井泉碧
威靈仙術終相期陰功百世固未艾芝田蘭畹春熙熙

黃伯容羊毫筆歌

我生結髮耽書史，便爾敦交管城子。猩毛兔穎與鼠鬚，美譽俱蒙文士齒。猪鬃羊毫亦可憐，近世適市寧論錢。今慚學落事耕稼，不夢五彩誇如椽。伯容小姪姿清淑，貽我羊毫抵雙玉。自言巧製得諸心，將信還疑是虛辱。春窓無塵花日紅，雲生龍尾香煤濃。溪藤點點暮鴉濕，臨池始得觀竒功。容乎容乎藝無敵，愛莫助之三歎息。我家初平不可招，何當爲爾叱叱盡起山東石。

孟文施侯烟江疊嶂圖

江萬里雲萬重，烟波浮動嵐光中。山萬重江萬里，嵐光滴入烟波裏。先生愛此遂移家，隨結秀色栖霞處。無歌晚唱紫陽月，釣船春泊漁梁花。塵世茫茫入易老，千古江山長自好。鍾鳴漏盡行不休，胡不歸來事幽討。先生抱才無與儔，先生逃名今幾秋。祇恐我圖微大隱，坐使山英勝笑江虬羞。

思傑孫兄製擇冠冕惠聞有作詩求者無不與因謝之而冉有請也

孫郎不惜湘竹春，霜刀剪雪仍裁筠。針紉火捺自常巧，作冠專贈能詩人。清風條然入我髮，制度簡古無纖塵。班班輕纜掩鶴髮，蕭蕭冷欲生龍鱗。佳名千載說劉氏。

陋彼聚鷄災其身烏紗白紵雅相稱欲報媿之瑤琬珎
南薰長養萬竿玉掇拾錦襟盈筐新散予改造煩妙手
絕纓一笑儒生貧

題朱氏友梧軒

朱君濯濯春天柳手種碧梧爲好友葉鳴瑤砌早秋時
花落銀床新雨後華軒朱卷綠陰敷枝上高栖三鳳雛
青士可來相莫逆門牆桃李視爲奴

題長豐吳伯宏敞軒卷

山人愛山入骨髓新搆華軒敞無比奇骨洞達與軒同
萬壑山藏方寸裏寧知我亦愛看山曾把青囊究終始

每嫌牆面了無知浪出行災爲互鬼聞君遠遊逢異人
因得異書傳厥旨何時徑造敞軒中共對豐山談妙理
朱伯尚雲隱山房

豐山冥冥雲萬重嵐光變現金芙蓉朱郎奉母逃兵鋒
輕軒穩駕盤穹窿石田足稼材可宮豈效采拾爲行備
入厨敬具甘旨豐壽觴日舉慈顏紅絲鸞仙姝信復通
雪霜甲帳春融融相攸借隱無此同祇愁鶴書來碧空
翩然鵬翼乘高風不但林澗懸周顛重尋天台迷去踪
珊竹伯禮雨中葉笠騎馬圖

坡仙曾訪諸黎去不料歸途風雨至田家借得笠屐還

婦女咲觀群犬吠誰其繼者珊竹郎風流偶爾非佯狂
奚奴歎段爭蹀躞錦袍發襖相輝光憶昔風和春日麗
練水屏山翠迢遞元戎小隊綺羅香飛蓋芳塵歌管沸
濃雲倏忽迷丘隅雷轟電掣群龍趨王孫王孫爾勿吁
滂沱幸喜無沾濡

餞士元士威往錢塘燕簡彥瑾彥清昆仲

宗家兄弟宜佩絃大筏久膠晴沙遼寧知六月三日雨
吉人所相元由天水風清徐綠浪闊浩渺不見灘高懸
金門玉樹亦東去想得解后俱歡然果盤脆薦後江酒
紵袍香宿西湖蓮先生貧病日局促千金頗羨陶朱賢
歸途無惜同過我柴門老樹生茶烟麻鞋刀斗我所用
不惜爲費千銅錢

餞德威之永新

歲云暮矣霜霰零陰風怒振枯林鳴此時胡爲涉遠道
使我欲別難爲情毋嗟予季久行後弟陟彼岡瞻歎兄
丈夫仗義不違處荷戈勇赴禾川營芙蓉峰高怯返顧
鶴鶴原遠催前征選兵八萬能救趙信陵公子稱賢明
矧茲大將薦忠孝恩波所被同歡聲滄溟不計鳧鴈往
長松許附絲蘿生桃花氣暖江水綠天風早送歸帆輕
慈闈白髮貴可念倚門日日占春晴

題汪煥章行卷

憶昔我尋陳太丘酒闌共作黃泥遊黃泥山川秀巖巖
欲營宅兆周咨謀昭然右隴鍾吉穴如何返蒼狐白裘
幸哉左竈未埋玉季方莞爾頻點頭爲言近有龍魚氏
亦嘗指示茲爲優閉門造車出合散學術詎可無源流
斯人議論必超卓念欲一見還無由剡溪書堂梅雨潤
感子躡屐來相求坐談前事未可了過午清供惟茶甌
十年學佛斷酒肉一念報本培松楸爲人救貧心更切
有功未許言相酬神仙在眼固莫識浪想飛鶴并眠牛
我家先世精俯察遠村墳墓多清幽欲來登覽校得失

相期稍待梧風秋

清明日訪倪成志昆玉不遇

清明風動花飛雪春思漫漫眼生纈蒲鞋緩踏當輕車
澗道盤迴欲千折訝然一谷圍烟霞白石齒齒青山斜
紫籬蔬圃帶溪色此地宜有詩人家倪君兄弟心莫逆
準擬升堂話疇昔隔林啼鳥似留人滿徑雲光無履迹
風塵十載驚風湍存身夕惕良爲難長松未去作梁棟
競秀穹林守歲寒

壽金時和仙尉

七年接翅鴻鴈行已感故意丘山長夜觀南極光生芒

安敢自外如參商青鞋布襪一舍強春泉濯足容升堂
公見我來喜非常我亦爲君歌慨慷商山四皓爲夏黃
綠髮未肯吹秋霜綵衣列侍庭堦傍芝田蘭畹春無疆
流霞多醖松花香重來共醉三千場

餞彥璋之杭州

山堆天竺青嵯峨綠湖盡舫叢笙歌香風六月繡羅冷
錦雲十里荷花多松寒高蓋碧偃蹇柳暗細帶春旌旄
湖山草木已異態百工伎藝仍殊科半生欲往未得往
固知由分非由他金卽尋訪雅懷抱風神出水珊瑚柯
酒壺渴馮仙掌露詩筆倒捲銀灣波歸時璀璨珠玉窩
勿吝示我觀如何

題溪頭程播仁杏林春曉及十景圖

屋溪溪頭水如鏡照見心肝滴百病杏林春曉花雨晴
采藥歸來雲繞腰承家累世讀書聲豈但區區究內經
醫術由來通造化活人手段夙補能何羨董仙凌倒影
亦須早上蓬萊頤萬金不惜囊中冊下土瘡痍盡甦醒
秋風剝啄鳳將雛示我山中十景圖何日盤輿尋大隱
與君一詠一傾壺

題贈地理詹仲芳

風林地理合閩贛藤溪天理明陰德二公序說當並行

車有雙輪鳥雙翼詹生家世業青囊得此名
聲尤籍籍
葵山之術至於朱研究精通已無敵先君交友四十年
每咲同耽山水癖平生謀野若合符襄事仍蒙審其的
後來觀者不暇庇生肯驅車定何日松楸嶺外春雨青
門徑林前晚烟碧煩生爲我驗否臧庶免人嗤寶燕石
秋風清冷勿遐遺願整登臨謝公屐

送金如山之江西

君材有如千里駒昂昂自與凡毛殊願流赤汗驟雲霧
豈願垂耳驂鹽車干戈滿眼志不展十年困守荒山隅
似聞西江浪稍息高帆大舶通名區蠻貊海錯亦輻輳
吊古直可升衡廬買魚沽酒舵樓底醉夢豈復驚催租
清風遠接鷗夷子笑我尙促選如思鱗燕香遠入羣神
楊花雪落粘蜂鬚安得雲邊雙健鷗送君往復如須

送希聖遠往揚州

天風吹起英雲飛流光翁忽成功時千里游人欲解
慈母密縫身上衣維揚地遠連三楚折梅送子江之
男兒固有四方志大學儒生別東魯相如題柱班超
眼中識者百無一二子能成遠大名誰謂今人不如
明年燕飛來天涯重闌夜夜上燈花求鳳之願不可
錦城雖樂早還家

從軍行送猶子宗侃之西安

高翁昔主商山學堂構新成費經度日共三農手拮据
禮殿崇崇煥冊牒咸誇鄒魯在東南矜佩雲臻講三經
初魯頌之曰風林先生引諸生
升堂講孟子曰君子三樂篇主帥來觀喜可知不但
酬勞倒私索虛將名姓附軍籍移檄官司免工作何曾
端的入行伍及請官狼執刀槩禍胎已得塞翁馬快心
悞羨揚州鶴里昏一旦分軍民衆始相看駭而愕不將
情喫訴上司他日端成自纏縛當時幸遇王右軍判筆
高題爲滿漉日月忽忽十九年出後公家返啣嚙寧知
號令從天降追呼例赴青油幕汝叔龍鍾折右肱汝伯

蹣跚跛雙脚汝今結束出門去明夜欲頭聽金柝哀鳴
難徹

九重高空對愁雲滿寥廓薄送遲遲得近郊千樹秋聲
晚風惡汝當前邁我當回哽咽無言淚雙落

題陳生伯感屋壁

昨朝側耳狂言新頰怪驚座多陳人重尋明流石徑冷
已愛繞屋梅花春青囊儲書授仙訣玉杵搗藥凝香塵
故人有子美如此我欲不欲溪雲噴

效王建體作縣門關

縣門曉關何喧囂公事冗維吏卒驕疲羸有口莫敢訴

長官怒發心火燒鞭笞累自不停手悲鳴酸叫于雲霄
西後忽如烏鳥散明朝依舊如今朝山中貧人要知足
不聽此聲即爲福

送明德時和時行偈同彥瓊令猶子游金華

金家兄弟俱鳳麟一蜚一鳴三千春自斨毛骨無與倫
肯使容易汗黃塵一朝壯志何所伸湘江梅雨涼衣巾
金華名郡城通津買舟東下寧遠颯東陽白酒香氤氳
西瓜如渾榴如銀阮淑秋水爲精神翫然侍側何閤閤
蓬窓夜長月滿身無從把杯行素鱗書檠詩硯還可親
歸期倭指纔三旬鴈行又復璫溪濱錦囊盡馬江山新

余寓琳溪時與允文程君昆玉相友愛後因逃
難他方面官籍其產又十餘年始完璧以歸奉
之予之各得其時之宜又信司造者福善有徵
也歲在丁未九月未旬解后璫溪抵掌劇談鄙
句爲別

昔年頻造蛟湖孫宮墻流水深渾渾弟兄揔是青雲器
鄉黨同推積善門時危各竄深山去視棄田廬猶脫屣
可憐滿眼困誅求馬帳韓菴極滋味年來得失堪嗟吁
天道福善無差殊方嗟野人空與塊寧知合浦果還珠
三鳳穢穢出林藪何時歸落他人後剪菜結屋共藏書

種林有田頻釀酒幾看明月重懷人
偶然攜手璫溪濱
行行莫訝風霜肅道左梅花報小春

次戴比玉韻

朝暾初上扶桑東下照夏木青蓬蓬
空山無人白日靜
有客來見超群雄屏金褥綉人玉潤
落筆詞綵驚兒童
紫鳳嚶嚶簫弄月白塵款款談清風
婦翁清才過樂廣
壯志未肯甘痴聾昂昂俱是青雲樽
前抵掌欣相逢
東江鼎沸風塵暗甲兵豈久藏奇骨
豹文姑隱山霧裏
鵬翼未化天池中此懷丹衷要皎潔
冠中怒髮宜牢籠
丈夫未達志益壯心中何用憂忡忡
刻曲舟從雪夜返

璫溪水與天河通勸君未別姑飲酒
湖山紫氣凌空濛

賀金時和生孫

月杓建子新陽生喜氣爍東簷
鵠鳴金家入報玉麟長
安得便去試啼聲折取來看外王父
春風座上飛銀觥
五裘重闥身正健少年郎罷長眉清
顧我龍鍾老賓客
足知祖澤如滄溟
齋前豐後理所必會當相與看飛騰
華堂燁燁一經在
咲人滿貯黃金籬

題休寧錢知縣仁友家慶堂卷

知君小年能孝敬
壯大不喪本天性
嗟君宦學隔風塵
遠別庭闈缺溫清
便須富貴爲公侯
終焉不解心中憂

一朝迎養恍如夢殆天所感非人謀鶴髮蕭蕭兩翁媪
喜動傍人俱絕倒豈謂風霜搖落餘有此靈椿映萱草
練江千丈平無波江頭天寶有嵯峨琴堂風清官事少
壽觴酒滿慈顏和豈弟端爲民父母身著班衣拜還舞
坐令烏帽化慈烏孰說今人不如古

後圃黃先生存集卷之一

後圃黃先生存集卷之二

門生戴玘 校梓
吉林山房 重刻

五言律詩

宿高齋陳氏館

中酒日云暮裁詩夜欲分華顛徒嗜卧綵侍自論文風
送空山雨鶻啼老樹雲客懷愁萬斛歌枕不堪聞

閑雲

無心雲一片更密詎能開浩浩江湖上悠悠天地間因
風行萬里伴月落千山欲問爲霖意飄然不可攀

一朝迎養恍如夢殆天所感非人謀鶴髮蕭蕭兩翁媪
喜動傍人俱絕倒豈謂風霜搖落餘有此靈椿映萱草
練江千丈平無波江頭天寶有嵯峨琴堂風清官事少
壽觴酒滿慈顏和豈弟端爲民父母身著班衣拜還舞
坐令烏帽化慈烏孰說今人不如古

後圃黃先生存集卷之一

後圃黃先生存集卷之二

門生戴玘 校梓
吉林山房 重刻

五言律詩

宿高齋陳氏館

中酒日云暮裁詩夜欲分華顛徒嗜卧綵侍自論文風
送空山雨鶻啼老樹雲客懷愁萬斛歌枕不堪聞

閑雲

無心雲一片更密詎能開浩浩江湖上悠悠天地間因
風行萬里伴月落千山欲問爲霖意飄然不可攀

靜菴 為本清作

靜隱囂塵外人方安樂窩身同山不老心似井無波枕
穩花陰轉琴清月色多陶朱萬金富擾擾更如何

題馬則賢子猷訪戴圖

何處有斯景依稀是剡中溪山仍積雪舟楫尚清風興
盡跡雖返神交意自通故人消息斷對此思無窮

題金仲善所藏馬遠御書詩意圖

禁籞鬱崔嵬坤寧金殿開宮花俱寂莫奎藻尚昭回戶
牖書周戒屏風紀漢才茲惟繪春色寧免後人哀

贈黃源卜者吳誠齋

萬仞雞籠下誠齋有令名承家今季子賣卜古君平
几著莖整銅壺香穗清吾疑今自决跋蹙負平生
璜源吳君誠齋隱於卜者也猶子某為之請作詩且
言其占驗他日宜造之以扣林谷嗟乎予老且病為
世棄物無疑矣又何卜焉感歎之餘賦此以贈

題康府吏允誠卷

萬事必以實終身無自欺靈臺霜月淨素行鬼神知抱
牒黃堂日趨班紫府時先由不妄語司馬是吾師

題節婦汪氏卷

孀居四十秋鶴髮忽盈頭夜月同心皎秋霖並淚流克

家慈訓重表宅

聖恩優莫歎彝倫敦清風凜柏舟

題葉斗南孤舟卷

石嶺號孤舟風濤了不憂竹如湘浦側花勝錦江頭林影紅塵斷嵐光翠浪浮斗南人望重窓戶擅清幽

題子猷訪戴圖

林壑玉槎枒寒流渺渺斜舟回天欲曉門掩雪如沙風致端難繼交遊重可蹙只今乘夜興竟到玉人家

贈程伯輿

捧檄恩波闊趁庭喜氣多柳營辭甲冑花縣佐絃歌雲

翼搏風起霜蹄掣電過滄江多過鴈數報近如何

題群鯨朝鯉圖

短楮滄江湧新圖赤鯉驕遊魚遠作隊高浪共來朝恍覺唼喁動疑聞潑刺跳何當化龍去霖雨洗昏妖

挽朱平仲州判二首

先菴晨星沒文燈幸借輝新年才一見終古更相違泉路愁長夜雲天失少微獨來絃誦地清淚可勝揮

舉世誰無死貞名乃克全芬芳舟桂籍照曜白楊阡遽

協濟洵夢虛期釣渭年誡其嘗自謂星翰天惟昌厥後

三鳳業能傳

贈醫者吳道中

吳公有陰德賣藥似韓康虎守林中杏龍傳海上方日
長書滿屋歲歉救盈倉家學尤精妙郎君玉樹長

夢得茶詩

自煎茶味永何用醉醺醺清汲吳江冷香分楚國春三
盃猴吻潤一椀齒牙新石鴨松風響偏宜耳熱人

程允德寄詩二首以之便經年未酬

馬帳風流在猶携紅袖行鬢絲同野鶴歌曲轉林鶯人
仰春風座朝霏霧雨情將軍仍善飲未必負平生
未報新詩贈踉蹌又一年海珠光奪日燕石暖生烟率

水接清浪東巖聳碧嶺人尋君何處好書畫米家船

哭金鎮撫崇公

早歲同談笑更深報答然重來尋地主不復見燕仙世
事浮雲變身名白壁全空期華表鶴苦波若河懸

題橋泉仙隱卷

吾宗橋泉子早授海龍方繞舍木奴熟運筒白水香金
爐伏丹火玉杵搗玄霜恍是蘇耽宅仙壺春日長

壽卧雲居士

休官何早計閑極似陶家但愛一樽綠不知雙鬢華山
田多晚林籬菊有秋花謝盡塵中事神仙匪浪誇

五言排律

子中弟創樓時留外不克賀喜而寄詩

仲氏新成第仙居雅好樓
爵葱仍趾美輪奐重詒謀
高野青編富寬容綵服稠
瞻懷超物表壯觀壓林陬
比戶溪聲遠南窓野色幽
四時供雅誅百里入冥搜
涼月鳴龍管春風勸玉舟
人行憇嶺雪鳥度葛山秋
寨鼓烟村外農叢稻隴頭
紛紛清可把望望難伴但
效元龍卧寧思黃鶴遊
桂枝看日茂花萼借風流
賀燕方喧頌歸鴻獨帶留
胡床延庾亮鶴駕接浮丘
濁世從多事殘年無外求
頻同倚飛檻臨眺思悠悠

題汪節婦旌門後除詩卷

行美王家婦孀居四十秋
理琴絃易斷玉斧月難修
淚眼分龍劍貞心誓柏舟
空存借老念更抱未亡憂
塵鏡孤鸞舞晨食雙鯉羞
女歸嚴盤饋男大學箕裘
共仰賢無比誰云德不酬
皇天還有眼白雪漸盈頭
仁里稱榮壽鄉鄰則善柔
蠲徭官政羨表宅

聖恩優花縣春初洽蘿山翠益浮
一家衿袞黻百世式銀鈎班史書
清節周詩著好逑風聲流遠近
瞻詠思悠悠

七言律詩

題觀崖圖送石典史

白髮青衫老幕賓三年小邑困麒麟
共聽日鷓歌謠頌信是風流案牘塵
歸夢已飛銅鼓月餘波長遶石崖春
行囊自笑何羞澁馮取溪亭尺素新

水南山房

先子愛兒如鳳凰水南深處築山房
渚花映戶春雲熟野竹當階秋雨涼
幕有燕巢成暫息匣盤龍劍肯終藏
同鄉垂白躡躡客遲見歸來菊未荒

任先生用和翁往年構山房于里之水南為教子讀書之所二郎本立學既成以材器見用於時今捧檄

往三山道經古林索于題詩為賦近體一章或謂本立方發軔青雲之路本為招隱之辭何其愚也雖然詩為山房而作符及瓜代錦還而水南之菊徑無恙則寓意陶令又何班焉

三月十七日書懷

十年幾出避兵戎門戶蕭條敢諱窮
又欲移家雲影外可堪欹枕雨聲中
子規號叫三更盡老婦呻吟四壁空
但喜猶能識奇字終應載酒過揚雄

庚戌元日即事

山市戍鼓初鳴雷晴光曉色相徘徊
五辛春盤簇生菜

九霞壽酒傳金盃詩書有味若啖蔗弧矢無志同寒灰
貧家何以贈好客芳馨但折林中梅

別戴生比玉

東池花萼不勝春青鬢交游白髮新苦憶清溪浮雪棹
欣逢玉樹出風塵書囊無底談難了經席惟多筆有神
好寫新詩慰離索小樓長日望鴻鱗

簡高齋

嚶嚶林鳥嘯薰風橋卧清波度霽虹壓路危峰嵐滴翠
臨潭古剎勢凌空高齋抵掌論情密稚子牽衣歸興濃
欸曲又能陪遠餞曠懷高誼必能同

題雲卧卷

處士逃名卧翠屏白雲深擁少微星只應天地爲衾枕
可但巖崖作戶庭楚夢不生巫峽暗野心長在華山青
何時整我雙吟屐相與松根斲茯苓

生日答吳志同惠詩

憶昔高堂具慶年生朝吹竹復彈絃清樽艷艷看傾玉
綵服飄飄望若仙身世如瓢成瓠落鬢毛與雪鬪新鮮
故人此日貽佳句祗益我蒿恨萬千

彥中汪君幼而穎異年十四即爲人師且有詩
聲見稱于伯氏乃具慶時也壯而未免困厄親

戚淪謝感念舊時賦詩自述有不勝風木之悲
俾某繼作三辭不獲遂成近體詩以解之

佳人苦憶少年遊慷慨悲歌涕泗流
文彩幻如丹鳳羽形容今散黑貂裘
無家空費思親夢見月深添作客愁
往事愁隨東逝水一尊且醉菊花秋

和吳均度張如心二先生遊汪王墓詩

長安何處問唐陵此有雲嵐花笑迎
鉄馬夜臨玄室靜金鴉朝眩寶坊明
春風且醉杯中物越國空遺身後名
亦欲明朝重登覽祇愁風雨會難成

休寧縣丞應公叔原橫洲書堂

蘭溪深處有橫洲洲上書堂幾度秋
衝若露涼香裊裊鴈鳧波闊影悠悠
詞源有本懸三峽學海無涯委衆流
今見曾孫丞下邑才華端不愧前修

擬餞蔣彥珪赴西川按察司書吏

皎然孺樹立長身竹徑風清案牘塵
近覲龍顏丹陛側還趨烏府錦江濱
豺狼當道爲何處狐鼠憑城有幾人
他日若逢西蜀客應傳風紀動如神

題王德中玉伯戶竹坡

兩耳峰前春竹長滿坡蒼雪動寒光
幾勞遠客夢魂想一見此君塵慮忘
色映宴遊青玉杖陰連兵衛綠沈鎗

定知時有風流士徑造王猷酒一觴

寄子中弟

相望山後隔山前一壑風烟別有天松影綠迷書竹徑
雲根清引汲茶泉誰爭子所實堪樂亦愛吾廬未可遷
尚想他年老兄弟歸來風雨對床眠

題祝彥溫母朱氏節孝卷

祝婦清風自不泯尚書遺墨更堪珍千年貞節傳青史
萬丈文光炳翠珉母也難渝之死誓天平宜報未亡人
有兒克紹詩書業幽閨酸辛莫重陳

次韻酬張如心

短章忽逐好風落爆爛端如雲錦書三復感君情縱縱
七袞慚我腹空虛憶初相見春光淺忽又分攜歲事餘
符得山城灯火闌擬來重聽佩鳴珮

題黃石汪茂卿溪山小隱卷

率水率山如蔚藍征車愛此終停驂幽人小隱白茅屋
好景都歸黃石潭倚杖游鱗吹暖浪支頤歸鳥帶晴嵐
殘年亦有漁樵樂何日和尋與細談

至漢口紫荊懷表叔江國賓

杖藜重訪紫雲莊紅樹凋來已十霜翁父仙歸華表鶴
我無術化石中羊清溪分綠居深滄紫竹連陰覆短牆

野老不知懷舊恨，訝人搔首立斜陽。

慶朱克章遷居

曉聽遷鶯出古林，小車不載滿籬金。圖書有味存吾道，
案牘無塵識古心。鄰壁光生蘭砌色，官街近接柳營陰。
木犀香酒連門熟，來往風流日共斟。

甲辰元旦效峴體示子

白雪催開口，日明黃雞快唱。五時聲沉香火，暖熏春服。
琥珀盃濃，解宿醒，疎霞入簾珠。瑣瑣小梅當戶，玉盈盈。
寒宗新講圖經，拜努力，思爲九族榮。

予中弟山居六載，幸獲平寧，喜而有作。

無曆金憑屋角梅，山居六載見春回。二千日喜平安過，
三百盃期陸續來。青箱日長兒可讀，猶蘭雪後自當培。
皇天但願常青眼，莫遣功名相挽推。

再韻

木末山房護竹梅，雲中石磴上縈迴。身閑又作詩人隱，
地遠渾無俗駕來。池草頓生春夢好，堦蘭競茁善根培。
何時偶時東西屋，共把柴門月下推。

送朱子範赴滁州來安縣主簿

苦竹山人久在山，新承雨露向來安。滁州遠過一千里，
簿領才爲九品官。潘岳縣中花樹少，醉翁亭下醞泉寒。

春回黍谷頒鄒律側耳風謠頌枳鷲

贈醫者胡仲猷

起死奇功已世傳書籤藥裹度年年竹林鶴化青冥遠
鼠穴雖飛綠侍妍談塵清風如舊識燈花照夜欲無眠
酒闌更聽歌梅月四座煥襟一洒然

送程伯與赴江西德安縣主簿

匡山秀壓九江寒風止波平綠鷺寬敷淺原頭花滿縣
澗書叢棗根栖鷲仇香自是青雲器德耀新修寶月團
益浦天青多過鴈高堂白髮望平安

寄題金彥直再創隱樓二律次如山韻

昔年海蜃氣成樓勢壓蘿山地軸浮夜戶蟾光涵北斗
秋簾鴻影帶西晴劫灰已冷人人惜畫棟重成事事幽
想得登臨多勝槩不須懷古恨悠悠

屢隱名存撫舊蹤唯遺喬木翠重重歡娛盛宴免飛鳥
赤奔高軒馬避駟萊海已更塵世事蘭塔還紹故家風
欲來寓目新欄檻安得陂前杖化龍

入邑道中和比玉韻

有客揮毫紀勝遊玄霜滿紙暮烟浮爛裁雲錦明昏眼
快嚼冰漿入渴喉竹杖芒鞋應盡日晴山野水幾經秋
毒蛇猛虎方紛擾誰擬龐公得自休

又因思承平時嘗與東山趙先生同飲邑市甚
歡乃辛卯四月初旬也感念不勝愴情再用前

韻

憶昔薰風花縣遊松蘿雨歇翠光浮詩題醉墨淋漓字
酒潤歌姬宛轉喉塵世已驚桑海變老身祇益髮毫秋
酷憐攜手登臨者竟向空山死即休

寄子中

仰視遙天秋鴈行驚心日夜憶鄱陽人傳病起顏容瘦
我爲愁添髮髮蒼鱗縱波濤雖足恃鳥高繒繳尚須防
獨聽竹屋瀟瀟雨未卜何時可對床

丙辰臘月二十四日大雪伯盛伯申連鑣而至

用馮情

歲晏天寒雪塞門驚傳車騎過荒村燎衣急取烏薪熾
倒甕無嫌煖醞渾先隴地靈期俯察昔年心事要重論
稍需滿眼春光好共陟高岡看曉暾

元旦

曉闌柴門滿眼春高枝晴鷓語何頻教兒小試題詩筆
對客新裁漉酒巾錢杖鏗鏗扶病骨梅花皎皎伴閑身
忽聞千里歸人至歡笑追隨過近鄰

因事留邑書懷

龍鍾自信匪時髦，豈料浮生有此勞。
日薄蘿山昏似墨，雲深官道滑如膏。
正嗟不問維摩病，又聽終追顏闔逃。
安得脫身從此逝，却將畊稼教兒曹。
老夫壯志雖未已，其柰蹒跚病足何。
甘向茅簷息櫪樓，豈堪芹泮共絃歌。
採薪正自憂鄒孟，種樹誰能傅橐駝。
卧聽鈞輪聲聒耳，雲山不似客愁多。

送人之杭州

蓮雲大筏之東吳，好是清和雨霽初。
黃鳥嚶嚶堤柳密，清江湛湛水風徐。
任從越女誇傾國，早返商舟慰倚閭。
兩鬢鬢鬆須短幘，自錢毋為我躊躇。

壽俞陶齋

群仙高捧玉梅枝，共挹湖光獻壽卮。
鶴髮垂肩千歲母，鳳毛照眼二男兒。
奉臣上表陳情日，江子行傭避難時。
休說將軍仍好武，何如花下日臨池。

送建德曾主簿考滿

頰年高枕苦沉痾，不慕為材致禮羅。
已外形骸常蹠跣，豈堪俎豆強絃歌。
尸居空慕庚乘楚，養樹誰如郭橐駝。
聽頌舜城賢主簿，邦民其柰去思何。

送鄭上恒隱居靈山

知君不肯入城府，遠隱靈山鎖翠屏。
鴻已高飛凌碧落，

魚方極樂在滄溟草廐蒼苔帶春雲暖夜壑金燈鬼火青
四海風塵方慘淡天邊悵望少微星

送尹啓東葬母後復之岳州百戶

緩驅征騎恨悠悠苦淚還隨春雨流王事寧辭荷戈倦
母恩無復倚門愁烏啼月落巴陵夜鴈叫風生漢水秋
休上岳陽樓上望白雲飛處是松楸

丁巳元旦

頭童不果任羶毳齒豁何妨可吸盃百歲光陰俄耳順
萬般人事捲心灰雪晴翠合東籬竹風細香傳後圃梅
鄰叟相過難講禮就來酬酢笑顏開

生日示子中子度二弟

百年過半髮蒼蒼孤矢空期志四方恩重蓼莪傷並廢
墳深棠棣幸聯芳謀生拙比絃膠柱處世羞同錐在囊
堪嘆婦無湯餅具生朝白粥菘蔥薑

挽戴尚文

日望虞羅脫鳳毛祇傳貶斥去臨濠鴈書久斷音難問
鵬賦終傷數莫逃空有招魂歸里第竟無收骨向江皋
哀哀已忍孤嫠哭月黑狐狸正怒號

壽李巡檢

柳營南極吐紅光曾曳長裾宴華堂
玉鬢釵橫金鳳小

慈顏酒暈木犀香
花吹晴雪雲旗動
鼓轉春雷夜漏長
此日山城徒悵望
笑憑征鴈寄詩章

簡程高齋

林下別時春雪飛
南風四月得書稀
思同情話長多阻
想覲慈顏近易歸
舍後雲深冬筍老
籬東水長鯉魚肥
何當一去尋仙隱
傾倒新愁與昨非

題婺源汪彥溫曼青樓卷

青山多處起飛簷
俯視參差萬點尖
常欲掃除雲似墨
生憎埋沒雪如鹽
鯨波勢動鴛鴦瓦
螺黛光涵翡翠簾
大樹將軍歸去晚
松梢香透老龍鬚

書後寄程甥孟如

春來負笈喜津津
遠達番江契誼新
正想玉人嗟別久
忽來芳訊感情親
但教文比卅山鳳
終見身爲清路塵
燕子日長無俗事
六經窓下正須勤

己酉臘日賀豐山吳輝翁通書納金氏壻兼簡
子襄陳先生

芸香閣下饌賓親
却走不來驚坐人
端添花羅雙鳳翥
清移瑤樹一枝春
不辭卜夜杯光滿
只恐歸時雪片新
有約後期重會合
上元燈火照冰輪

中秋憶舍弟

每歎中秋樂事稀，今宵何忍對清輝。
不禁老淚風前落，空想遊魂月下歸。
多_一妖暮寧免蝕，斷行孤鴈倦還飛。
弱髮嗚咽鄰_地靜，竟夕無眠獨掩扉。

題程三良南山精舍

新成書舍接松雲，坐愛南山秀出群。
匡俗弟兄俱好學，何家稚子恣能文。
巖霏冷逼蟻螢練，林雨香蒸薜蘿芸。
欲借餘光近鄰壁，一窓嵐翠與平分。

子輝吳君以竹簟見貽，精誼殷勤，縞帶之贈，鄭也。詩以報規，媿匪苧衣焉。

故人捲送碧琅玕，一片瀟湘入夢寒。
掃淨梨床塵漠漠，幾臨花影月團圓。
汗_一竹簟炎天過病骨，不禁秋夜闌。
欲報高情何所祝，慈闈枕簟慶長安。

寄題道堅孫君家世綵堂

設瓜遺老儘風流，春滿襟懷雪滿頭。
綵服相輝家四世，霞杯迭進壽千秋。
蘿山高隱冠栽鶻，花徑徐行杖刻鳩。
重慶一堂堪畫處，人間此樂更何求。

賀金彥晦遷居避暑屋

隔水移家不借車，對航安穩載琴書。
青山歷歷迎人慣，翠樹團團繞屋踈。
盤谷有誰爭子所，斜川宜自愛吾廬。
行看花萼相輝映，依舊連雲列第居。

送郭巡檢

山州亭郭足弓刀黃竹將軍志獨高日晏方炊官給米
天寒只着戰時袍久看斗動蒼龍劍今喜風翔紫鳳毛
去去亨衢須努力汾陽事業屬英豪

後園黃先生存集卷之二

黃浦荷香

金仙跌足地漚眼蓮花香人間自熱惱佛國逾清涼

燕谷雜歌

山頭見落日山口歸群樵雲沾葉影重風度歌聲遙

龍華鐘韻

叢祠出官道華鍾吼夕曛溪風吹不斷隱隱隔林間

方塘活水

方塘湛銅鏡活水來源頭共憐滯不溢涓涓何時休

高嶂聞雲

閒雲在高嶂濃淡萬變奇主人捲疎簾與客同支頤

七言絕句

題春山遊驢圖

老夫無復少年狂解肉齊生兩鬢蒼猶記青山連紫陌
野花吹逐馬蹄香

題和靖觀梅圖

一童蹲火煮春茶風雪孤山處士家自有人寒西賊膽
兵塵宜不到梅花

一鶴軒然不受籠昂藏仙骨伴高風公餘尋得觀梅意
茶鼎塵勞一洗空

以詩達金彥中千戶覓心逸亭中小炕床三絕

廢却山中活水池小床棄置亦多時何如輒贈詩家去
卧雲眠雲捲得宜

六尺來長夢覺床雅宜鋪我竹邊房暖風吹斷桃花雨
便載端溪一草航

床小貽來自玉人草堂得此頓生春艾蘊菊枕斬州筆
醉卧那知月滿身

贈月堂上人

長風萬里掃烟霞吹散蟾宮老桂花高士此時方入定
一堂清影浸袈裟

題居仁嶺雲居亭

為憐浮世等空花小築雲居當住家竹几蒲團禪定處
老龍嘯氣濕袈裟

山後山前捲是雲崖蒸樹骨白紛紛老僧清供長如此
一笑不堪持贈君

雲本無心伴此僧僧居偶入亂雲層客來未解名亭意
蒲紙題詩勝葛藤

送金如山往婺州

如山金兄慕鷓夷子皮之風去年謀之江西某嘗作
詩以贖之既而止或尼之今年聞浙東金華商旅大
通便刻日買舟以往又為作竹枝歌三章餞其行風

止波平酒醺耳熱或可扣舷以荅舟人之欸乃也

送別林塘快放舟澄江渺渺消人愁蘋花滿棹應相笑也趁春風過婺州

桃花雨晴春水生東風去船如箭行鯉魚活煮蘭溪酒篷底醉眠江月明

春城敲角得金華莫忘長干桃李花千金重載布帆穩後月月圓人到家

送戴子文運房宅到瓜洲

斧斤雷闕栢填溪梁棟成時水拍堤老子東征了官事笑人長生竹窓低

大筏安如萬斛舟水風徐動棹人飄買魚沽酒江花底快到瓜洲古渡頭

風流重得過錢塘湖面新荷水亦香應買鬆餅成一醉醉來還似少年狂

愁緒紛紛吹柳花離筵少駐牽溪沙也知不作多時別秋月才圓可到家

三月五日壽金時和

風泛崇蘭花雨鳴又拈春酒祝長生他年迭奏瓊苑處畫出商顏鬢雪明

予可當門身燕居晚年優逸定何如東軒花木春無數

西塾圖書樂有餘

選姪德輔之杭州

春光湛湛下錢塘
梅落晴沙柳半黃
日選乘桴順東去
中流安穩勝龍驤

十里荷花九里松
茲遊未遂髮如蓬
子行喜得陶朱術
莫恨西湖歌舞空

薇垣依舊鎮龜峩
山色湖光破碎多
想得縱觀增感慨
歸來細與說如何

吾郡存菴詩可傳
武林行卷百餘篇
子今已有驚人句
定解吟哦繼昔賢

癡奴烏巾尚懶裁
不堪短髮白鬢皤
煩於湖市叢珍處
爲買竹皮冠子來

瑞溪釣隱

一溪春漲碧於苔
溪上桃花無數開
蒲棹清風何處泊
東流直訪子陵臺

龍吐潭雲翳日光
釣絲微動柳枝涼
掀篷指點潘村路
笑殺行人汗似漿

蘋末青鷗乍起時
收緝艤棹向灣碕
颼風天外滄溟力
醉卧溪頭了不知

眼眩波光闊雪光
短蓑濕惹渚梅香
祇思新酒宜鮮膾

盡日持竿凍欲僵

賀戴昂霄誕曾孫

剡溪衮衮慶源長
梧竹含春遶畫堂
晴日駸軒生意足
曾枝新長橘林香

臨風摩弄白髭鬚
笑指鸞雛綵翼奇
剡曲明年春二月
花前好伴太翁嬉

復子度弟書後韻

僻性生平尚直柔
慣居客館雪盈頭
縱渠狂妄多顛倒
老子胸中沒點愁

舊友興歌伐木詩
湖山還似昔年時
諸生挾策趨前闕

日晏先生起尚遲

癡兒當戶慣支吾
勉下書幃對酒壺
秋晚弟兄歸故里
杖頭日費百錢沽

寄賀卧雲居士生孫四首

此翁曾次勝春溫
每愧同庚若弟昆
百事從來慙莫及
祇今仍如先生孫

蘭砌春深長紫芽
重闌願此樂無涯
錦綉襦明霜鬢
把看湖濱滿樹花

綠陰遶屋瑞光浮
浴罷龍孫倒玉舟
我未去為湯餅客
犀錢還肯寄來不

莫笑先生兩鬢疎，行年六十看何如。
天教筋力常清健，猶聽韓符夜讀書。

題汪煥章白頭公卷

霜枝半稿羽毛嬌，並帶秋光立寂寥。
縱得春風紅樹暖，白頭如雪可能消。

詩餘

御街行 六月十二日壽金伯時

少年不競南科貴，安肯逐蠅頭利。
一經教子是家傳，但曉詩書滋味。
李之盤谷，陶之栗里，無限田園趣。
○香風細細吹荷葉，榴花酒微聲沸。
堂前棗葉正聯芳，畫出商

顏風致，莊椿不老，孫枝漸長，萬事都如意。

最高樓

壽程梅所

薰風細涼意，滿虞絃，壽宿正移躔。
昔年鵬奮雲衢上，如今豹隱雲窓前。
與麻姑看海水，變桑田。
○已莫說，貴曾遷，筦庫也。
莫說富曾堆粟布，無世累，是神仙。
佳章談笑，嘲風月，草書遊戲掃雲烟。
倚東床，閑傲兀，八千年。

蟾宮曲

壽姪德申

飽風霜，松柏蒼蒼，枇杷晚翠。
梅萼時香，文筆鍾奇，清漪毓秀。
弧矢呈祥，○喜今朝笑滿華堂，慶生辰酒泛瓊觴。
福比滄浪壽並南崗，蟄蟄繩繩，丹桂遲芳。

和子中弟寄賀樂府

鶻噪簷前鴈過樓外傳來一曲陽春臨風把玩為俺頌
生辰調協五音六律翔鸞鳳筆陣如神真堪羨人間罕
有冀比更空群○自憐愚魯質生涯冷澹怎列因真三
句加五歲猶混風塵爭奈離多會少荆花畔莫接慙慙
相思處長天空濶極目望停雲

卧雲居士畫像贊

貌端氣醇頤豐髯勻其少年壯志汲汲乎青雲之路及
其暮也安乎寂寞之濱意滄桑不變此已盡於麒麟視
其目光炯然猶當數十年未化為海陽前代之遺民

陳達道畫像贊

白雲道人秋水為神素衣黃冠超然出塵如果克符于
是真則盍翳鳳凰而騎麒麟以相與觀乎瑤圃之春

自贊

黃某不幸有罷癩之病左足痛甚蹙不能行人笑而
目之曰左癡翁因自作贊贊曰

尔心甚寬尔神甚完病尔足以蹢躅寸步有千里之難
無妻而鰥有子而頑後圃三間種菊蕪蘭飯孟蔬盤布
袍禪冠從髮禿而齒殘人皆羨官鞭笞鳳鸞尔獨返關
如將飛而翳翰既自比為蒲中之木胡不自安胡不憚

煩窮經考史弄墨研冊維師維友昔風林與東山尔尚
十年而不死死而相見有尊足在庶無厚顏念彼流豎
迅若奔湍天刑莫逃喟然長歎

後圃黃先生存集卷之三

後圃黃先生存集卷之四

門生戴玘 校梓

吉林山房 重刻

序

梅陰詩卷序

張園協洽余月初吉予方呻吟于金氏之止所其兄自
外歸謂予言吾姻家戴君伯拱燕居前榮有古梅一株
條暢碩茂蔽葢其陰非職不侵而地光夏寒氛埃不到
而苔花晝寂戴君日坐其側頤而樂之因以自號鄉人
無之爲梅陰先生亦由五柳之陶七松之鄭也夫梅之

煩窮經考史弄墨研冊維師維友昔風林與東山尔尚
十年而不死死而相見有尊足在庶無厚顏念彼流豎
迅若奔湍天刑莫逃喟然長歎

後圃黃先生存集卷之三

後圃黃先生存集卷之四

門生戴玘 校梓

吉林山房 重刻

序

梅陰詩卷序

張園協洽余月初吉予方呻吟于金氏之止所其兄自
外歸謂予言吾姻家戴君伯拱燕居前榮有古梅一株
條暢碩茂蔽葢其陰非職不侵而地光夏寒氛埃不到
而苔花晝寂戴君日坐其側頤而樂之因以自號鄉人
無之爲梅陰先生亦由五柳之陶七松之鄭也夫梅之

見於詩書周禮禮記大戴記左氏傳管子淮南子山海經爾雅本草取其實而已未以其花爲貴也以花爲貴則自戰國時始由漢魏晉唐迨宋以來詩而詠其花者不可勝言吾州先儒方虛谷編漁奎律髓詩以梅花專一類小序考之詳矣而未有貴其葉之陰者始自戴君而貴其葉之陰而後乃將賦梅陰者日益多子其首歌以賦之彼將如李武子之敢不封植此樹以無忘角弓之詩也予嘉戴君愛物之清度越流俗而梅之潔且類其爲人乃強頌而歌曰萬木芳離披新榮兮南枝凌冰霜而轉和氣始見其梅花之奇彼一時也又歌曰梅葉

分陰陰青子兮含仁升廊廟而調鼎鶴斯得乎先生之心此一時也歌已群公爲而和之凡幾篇爲一卷金氏兄釋予題其端以爲詩序云

送石典史序

典史邑之幕賓也其職在公勤輔佐官長以撫綏百里之民於六曹吏牘無所不當問政有一不善事有一不係則得罪而禍先及之其責任之重難有如此桂林石公文舉之來休寧也當用武之世一邑之錢糧軍需董督營辦悉歸之於公而公老成練達坦蕩樂易不倚法以立威而民趨事赴功惟恐後三年之內雖事煩令急

未嘗少累於公於是上下之人咸服公之廉且能也視
彼貪錢舞手並緣爲姦而卒不得免焉者何可同日而
語哉公今書滿朝 京師郡之百夫長程某查某與府
吏康某共載酒餞別于欽城之東門外屬愚序以識之
予唯先聖爲委吏料量平爲司檝吏畜蕃息及其相魯
定公會齊侯于夾谷齊人歸魯侵地使仲由爲季氏宰
墮三都攝行相事誅少正卯載在方冊炳若日星公今
由此而佐名藩仕大郡責任愈重事業愈彰其亦取法
於先聖之道乎此吾徒期慕之私也故書此以爲贈

谿山真趣軒詩序

谿山真趣軒者呂公大氏歲修之所也其詩則當代鴻
儒瑰士相與詠歌斯軒者也公大爲吾故人安貞翁之
子安貞當承平時居松蘿雨間治尚書經習舉子業有
文章善議論蓋有意行道於當世者而海田善幻遂賣
志以歿今公大既襲其家學又能遺外聲利而安乎寬
閑之野寂寞之濱故於谿山得其真趣若陶潛之於琴
孟嘉之於酒也孔子云知者樂水仁者樂山夫水與山
不能自有其趣必賴仁知之人樂而後得其趣然不能
忘情於軒冕者亦不可以語此也東山之謝安北山之
周顒水南之溫造水北之石洪若此者皆使林壑無盡

淵媿不敬必也巢許之流箕山潁水而後可練溪之南
羅山之下潞光山色映帶一軒斯公大之考鑑而詩人
之所由詠歌也嗟乎一有宇宙卽有此山其間得其真
趣者幾何人賢矣哉公大也是爲序

書長干許氏族譜序

休寧縣南五十里曰長干山水奇秀蟠鬱許氏世居焉
許氏之先自縣西之東閣遷于茲迨今蕃衍蔓延比庶
族處雞犬之聲相關宛然有桃源之風而不知世事之
更變也一日許顯宗字璟山者以予之四世祖五世祖
俱娶許氏故持其家嚴許氏族譜來請因述其言

訓戒之辭以昭示後人使之嗣習志而修之以無紊
卑之序得益其尊敬之心親愛之義不致於相視如途
人焉予觀許自周時受姓漢唐至宋朝其間世次功
名富貴之盛已詳悉具見于牒國王丞相及諸先輩之
文無庸贅述然予於長干許氏尤賞歎敬慕而不能已
焉者蓋自世變搶攘故家甲第往往銷燼至一跌而赤
其族者不少也而許氏乃獨安其田里守其先廬規模
氣象無異昔者其故何哉豈長干山水之勝其鍾於人
者自有不同與抑其先屢世積善天之報之其在子孫
與然培其根則枝愈茂濬其源則流愈長爲許氏之子

若孫者益積善而不替則熾而昌壽而康必與是鄉山水之勝相爲無窮也此璟山之大願也此某之所以爲書之而不辭其請也

瀛峰樵子序

予昔客于邑西之璫溪金氏溪之上有山巍然而高大曰瀛峰穿林絕磴嵐翠浮光瑰瑋輝映朝夕異狀余甚愛之每瘦筇短屐窮探幽勝竟日而忘歸是所謂蛻蟻扶輿磅礴而爵積者宜金氏居其下鍾其毓秀世有聞人金生璫字彥瑕嘗從予游今尤嗜文學拱而言曰璫也苦學未就遭時多艱且二親俱老無他兄弟備養是

以托迹樵牧庶米拾蠶旋茲山以不遠遠定省故自號曰瀛峰樵子今尹唐侯圖其景以見璫之所志者願先生賜之一言予曰嗟若予者既老且衰蹢躅勃窣支離疏散之流無所用於斯世被此名也以終殘年猶之可也予爲士族齒髮方茂明敏之才璫與之器幡然而起必夕脫羊裘而朝佩珠玉也何故不爲祿仕以榮養其親顧乃輟棄箕裘自瘦體力爲小人之鄙事乎誠未可也生乃莞爾而笑曰先生休矣請聽弟子之樵歌乃歌曰倚桐梓杞枝婆娑例遭斬斫吳剛柯日落西岡薪已多負薪換酒歸山阿升堂拜舞慈顏醅善操我斧披我

後漢書卷之五十五
五十五
叢世有危機奈我何歌已窅然入于林中惟清嘯隱隱
有鸞鳳之音不得與之言矣

代隆隱朱學士贈金德基歸新安序

洪武元年春余方待罪翰林故人金侯子西之子履寔
來京師舍館未定即謁余而言曰履也從珊竹氏女兄
避地吳越間十有二年流離顛沛艱阻備嘗所不盡者
命耳今得侍先生書冊琴瑟之傍如旣溺而登岬如中
酒而解醒如觀青天白日而無迅雷風烈之驚也願留
而爲俊於門下先生其有以教之語畢而泣余亦泣曰
子之尊君孔北海陳元龍遺莫能過之結交豪俊殆滿

東南其老賓客如余有魏木若優孟之效孫叔敖抵掌
談笑頽子齒髮方茂如玉樹皎然豈長貧者乎雖然余
知子之不可又客于外而重當返乎屠羊之肆者有二
子之母歿而未葬婦聘而未娶然生者養死者戚女有
家男有室庶違乎先聖王之教也子其行乎視余之日
薄西山尚縻於茲而不能輒自引去者何能爲懷於是
攬涕而謝曰敢不拜受先生之教戒遂刻日治任言歸
於其別也因書以贈之里人朱升序

送馬則賢序

禮記曰醫不三世不服其藥言謹疾也死生攸繫其可

忽諸今世俗之醫者無家學無師承或僅剽竊於局方
妄自矜眩利人有疾幸而成功則藉以饜養不幸則視
其斃如蚍蜉蟻子然可憐已若此者豈為岐黃扁鵲利
世之心哉惟星源則賢焉君則不然家世以儒明醫傳
至則賢機活神悟所至疾豈即逃如養由基之號猿庖
丁之解牛也起死之功夥矣為人溫雅敏捷尤好施貧
紫陽郡城有施某者攸善鐵而債於財今年秋得奇疾
水漿不能下咽者七日矣市醫無肯哀之者告急於予
予即為造則賢具道其事語未畢巽然起赴其難畧無
念吝容視貌切脈一免探了投一匕劑曰翌日所慮必

減半至期又藥之越二日脫然無所苦舉室出拜謝則
賢遙避曰彼不至於死吾豈能生之傲爾而退未嘗商
財賄之有無也嗚呼則賢有如是之才操如是之行其
活人陰德庸有既乎予嘉其得岐扁利世之心獨異於
世俗之醫者故樂為序以稱道之

記

稼隱軒記

戴玘比玉吾鄉之賢士也篤志務學不為祿仕從予讀
書于隆阜山中告余曰吾觀眉山蘇長公送張同年稼
說謂博學而約取厚積而薄發深有感於斯言有屋四

楹爲葺修之所得參政端公之子鳳臺生孝思爲書古
篆椽隱二字揭之楣間思不我知者以吾志於小人之
事學於老農如樊須取譏於夫子者幸先生記之予謂
子之平居所以自養而不敢輕用以待其成者可謂至
矣雖然是穠是裝必有豐年子之稼信爲富人之美稼
矣寧積而不發耶成文武之才就道德之實豈終爲沮
溺之徒也哉方今

天子聖明急賢如渴取銀青公之祖笏如探物於囊中
吾然後知爲待賢而沽者也故不辭書以記之

東白軒記

曹君從善既築所居爲野航之齋外拒紛拏中得閑寂
香爐蒲石几席圖書淨無纖埃亦足以自娛矣又於齋
之東壁闢一軒稍加踈達廣與齋侔深不盈丈高樞虛
儲清簟朱簾雅爲容光之際若夫城鼓初動鄰雞已鳴
推枕而興正襟危坐仰而視之唯見扶桑蒼蒼啓明睽
睽正吾心未與物接之際神氣湛然乃命之曰東白軒
而請予爲之記予應之曰齋取杜陵錦里之詩軒取坡
仙赤壁之賦也雖然子居是間蓋亦審夫所寓之
爲出處之道昔者海田善幻風濤際天誰東方朔
出之光昧者或不知戒冒利乘險狂踪而前人舟均敗

行與之類
卷四
饒蛟飲之而予之野航方收帆纜棹橫於荒閑寂寞之濱於是所見遠矣方今日較當天衆星隱耀狐狸魍魎銷跡潛形風虎雲龍翕然際會是宜展濟川之志築太平之基以致

君於堯舜之上寧得謂枕藉舟中而不知東方之既白乎頌趣爾裝餼維邁發

寄傲軒記

予友朱君伯仁儒家子也用唐李虛中之術推人之生年月日時而知其貧富貴賤死生壽夭若裨聲名籍籍聞於人已久矣性愛菊於其所居之右偏闢地而植之

殆將百本洪武元年秋七月徙播重屋四楹於菊籬之前軒窓南向其中有琴有書筆床茶竈壺觴餅爨整如也駟馬都尉使王公子敬為取陶淵明寄傲語大書而扁之嘗謂予為言其所以名軒之意予稔知伯仁之為人孝於其親友于其弟與人恭而有禮察其身心之間無所落毫驕倨而乃有取於此何耶伯仁曰吾見夫世降俗下彼汲汲於名與利者矜眉謔笑揮尾乞憐處汗穢而不羞甘泪沒而忘返執若吾之傲睨於豎塵之表亦樂夫天命如陶令者乎雖然記禮者曰傲不可長詩稱彼交匪傲萬福來求虞舜命夔亦曰簡而無傲且以

舜之明德能化其弟象之傲恣又不格姦而禹猶勉之曰無若冊宋傲則傲德爲戒於千載之上千載之下聞者凜然今子是軒當傳子孫他日儻不知爲矯激之言而祖述所謂其父報仇殺人其子行劫其流之弊可勝道哉伯仁躍然拱曰吾雖不敏請事斯語矣君其爲我記之以貽後嗣俾之朝夕觀省如座右之有銘則亦庶乎其可也於是乎書

雲隱山房記

紫陽山在歙城南五里而近歙爲朱子父母之邦山因人而增重猶孔氏之洙泗也故紫陽爲郡之大姓朱子

所宗焉休寧爲郡屬邑邑西四十里曰首山遡流不二舍曰豐山首與豐亦嘉山也宜爲大姓之所居余友朱君伯尚惠州太守權之六世孫世居首山年未志學即失所怙中值壬辰擾攘其舅氏子輝吳公居豐山因奉母夫人往依焉賴舅氏輔翼教誨見其才也以子妻之居甥館今十有八年福其藏修之所曰雲隱山房屬憇爲文以記之愚謂居萬山之間而隱於雲高矣北堂萱親樂於借隱有孟母居子之安無曹大家東征之勞又見其親之賢矣然雲之在山則悠然日與幽人俱閑及其出山則霈然爲雨而澤天下有體而又有用也伯尚

奉親檀樂隱於其中如陶弘景之自怡悅此一時也他日繩惠州之祖武鵬化鵬搏作傳說之霖又一時也迨其功成名遂望雲思親歸奉潘輿效雲天之需宴壽觴舉而慈顏紅其爲人間之至樂豈有涯也哉愚不勝敬羨於是乎書

懶齋記

懶齋者海寧邑西瑞溪金氏德基之雅號也德基之尊公子西總管遺承平享富貴孔北海陳元龍莫能過之結交豪俊殆滿東南德基善述先志愛禮賢士貴義輕財又尤工於樂府合商吐宮鏘如金石每一篇出人咸

稱之以爲有雲石海粟之遺風也於所居西偏新闢一齋左右圖書酒皿茶竈枕榻餅壚凡所以娛樂賓客之具畢陳其間躬與親戚故舊談論文章或議古今事理將迎揖讓竟日靡休徒見其勤未見其懶必其意有所在也問之則曰吾生七歲失所怙十四效子長之遊吳橋楚柁淮月燕雲濫祿于大人君子門下者又十七年道路之遙人物之夥蓋亦備嘗其險艱而盡知其情僞矣今始克返吾屠羊之肆吾心豈復欲搢搢勸其四體而不知休哉余始疑之又熟察之見其於數米量薪而炊爨者與夫嘗糞舐痔媚竈乞墻之所爲者欲來少立

於階墀一足托以所標之齋名而辭謝之然後知斯齋
乃不易造也不然夫豈不知天下之事勤則成懶則廢
乎德基職然而笑曰子之斯言真得我心之所同然者
請書之座間以爲懶齋記余亦不敢以懶爲辭遂書之

新修湖山樓記

璫溪爲休陽西鄉勝地由溪東涯遡磻入山度二橋曰
長千里山水益舒緩草木益壯茂金氏家焉地之勝於
是爲軍其先世模倣錢塘佳處鑿前爲方湖以瀦其流
諸峰環立皆浸影含輝旁有棟宇翼然而峙者湖山亭
也後因燬而更爲樓則又專攬放地之勝其他臨觀之

樂皆未能及之歲在丁酉余辱時用公昆弟相禮羅得
與諸生下帷斯樓者凡七年每講誦餘閑風烟澄霽輒
主賓臨軒角巾野服觴詠於湖光山色中衆熙熙然人
知魚鳥之樂而魚鳥未必不知人之樂也余後館寓他
處才二年而丙午復來則瓦漏板腐壁敗窓頽不可登
望者又三年矣而清暑榻榻常落是問今年夏五月十
日公忽詔其子瑜曰此樓不修且益壞於是承命刻期
因舊制而治之不出五日衆工畢功請余爲記余喟然
復於公曰方今兵燹之餘名鄉甲第尚爲荒草丘墟而
未復妍媸震凌者何限而公家能遵宵構之訓父作子

述亦前人後澤所蒙當慎自修而保有之庶乎樓之勝
因人而益顯焉廼書于壁以示厥後余之出處亦并載
上託爲不朽云

跋

跋黃伯仁所藏江山萬里圖

予讀南史愛南陽宗少文於江陵立宅閑居無事因結
宇衡山欲懷尚平之志有疾還江陵歎曰老疾俱至名
山恐難徧唯澄懷觀道卧以遊之凡所遊履皆圖之於
室今吾宗家伯仁兄出其所得佳畫一幅相與展而觀
之雲烟蒼茫而江山萬里忽在几席間不知爲何人之

筆真老杜所謂尤工遠勢古莫比者歟雖然兄充闡幕
之使方東上會稽度錢塘朝金陵而回又將西臨樊襄
南入闔關比達淮甸馳羽書於四方奔走不暇而予也
窮居古林之下灌園之暇屢跼勃窣小閣清香左圖右
書不知老之將至當是時也澄懷卧遊之趣屬之子乎
屬之我乎伯仁驟然而笑曰屬之子矣予其爲我識之
昔馬德稱雙節堂卷後

洪武八年春予來紫陽郡城始識馬生德稱未幾以一
軸文書來示予曰此當代鴻儒瑰士紀述吾家雙節之
堂也願益一言以昭吾考妣之德以慰吾之孝思以示

吾之後人永永無已承復讀之而知其父休寧監邑可
道公罹亂兵不屈而遇害其母夫人王氏迫於勢豪誓
不辱而縊死之德稱因作堂以奉祀而扁曰雙節諸公
既備爲文殆與宋李趙昂發事相類將特書於史氏也
確矣然監邑公爲前朝簪纓世胄德化涵濡夙明綱常
之道遭時不幸慷慨殺身所謂得其正而斃焉王夫人
婦人也於顛沛流離之際而之死靡他之念卓然不渝
節義並立凜凜乎尚能使人嗟吁興起孝子名堂以昭
著二親之德皆有關於天倫有補於世教予又奚言乃
擬采鴻五噫作歌辭以遺之歌曰潔源雙節莫耶干將

兮噫神物雖化猶有幽光兮噫孝子結構永奉齋兮
噫行有不慙能陟斯堂兮噫齋前豐後百世彌芳兮噫

跋退思軒卷

人誰無過知悔悟而改之則無過然必不思則或昏而
不能改昔魯宗道性剛直人呼爲魚頭公謂其骨鯁故
也爲執政日營一小室畫山水退朝獨坐謂之退思齋
雖妻亦不許入此事

君而退思補衮職之闕者今施君孟文性亦剛介不耦
於當時屏而閑居又以退思名軒此不得於君而退思
內自訟其咎者諸文士爲發揮詳矣先儒謂爲惡之人

未嘗知有思知有思則善矣雖然論爲學之道則不厭
思若不窮理果斷至應事之時而徒爾多思不免如季
文子之反感而有過舉矣施君以爲何如

說

金彥瑾長子名說

洪武己酉歲三月二十有四日戊午日在酉金彥瑾氏
初生于戊午納音屬天上火爲日命宮天蝎卯有火爲
日出之方三月之末遂咳而名之曰文烜俾其客筆而
識之文者何天文日也烜者何易曰日以烜之日生萬
物也文也烜也無不測也無不生也斯父母期待之心
也文烜倘有弟以文炳名之亦本於易之革也客者何
黃其姓樞其名子運其字也

劉子範兄弟字說

劉君子範謂予曰吾兄弟四人伯曰疇字子範仲曰庸
字子中叔曰賢字子齊季曰天賜字子與先人所命也
愚意以爲兄弟分形同氣子爲賢字說爲一可乎辭不
獲乃謂曰四君之字皆當以天推之洪範首言天錫範
疇蓋道之大原出於天天理之當然也子範以之中庸
首言天命之謂性程子釋不偏之謂中不易之謂庸亦
天理之當然也子中以之天性有善而無惡氣稟乃有

賢愚見賢思齊不賢而內自省亦天理之當然也子齊以之賜與也天之所賜大矣天與人以健順五常之性奉循所與非天理之當然乎子與以之天下之理一本萬殊命字之義雖殊本於天理則一也若是可一以貫之乎子範曰可命之矣遂書其說以與之

頌贈

頌李巡檢築陂

南鄉爲海寧勝處邏舍郵亭與民廬數百區鱗集壘飛爲一閩之市平野帶其前泉源清流正經其後涵虛漾碧沉沉無聲上堰水爲兩陂曰桑樹塢溉田十頃而畝

曰清陂塢所溉三倍其數先時遇歲旱籓既涸矣始濬興築不無鹵莽城裂之爲比水及田禾盡稿矣徃徃徒勞卒罕蒙其利今仲章李公來掌巡徼問弊於民而知其故乃進里之富人與一二田父而告之曰農畝誠衣食之源苟失水利而不檢則必飢非特無以給公上後租期吾雖欲安女業禁女盜庸可得乎與女約盡三日其伐松爲梁柱負石以實之畚土以築之民歡趨之如期而兩陂之塢屹乎中流凡溝渠之堙塞者咸䟽鑿之無間冬夏灌注周通里人聚觀而大悅以爲今之居一官能盡所職者當鮮公以明敏練達之才乃有餘力與

民興利爲無窮使數千畝之旱壤化爲上腴而南鄉益
爲海寧勝處矣於是相率爲歌詩以頌公之德焉詩曰
南鄉之里田疇流水木麻芘芘奈稷幾疑昔有兩陂築
以不時旱旣爲虐我寧無飢李公戾止喻我至理其作
雖劬其堅難圯堰以巨石貫以長松成茲永圖伊誰之
功彼野如楮我廩恒實孳茲樂歲伊誰之力兩陂如棠
百世不忘惟公之澤川流俱長

贈吳伯春子道中

予亡婦前年遘疾迎吳大醫伯春父來視之乃曰今疾
無憂藥之則愈但年壽慮不得永耳扣之再三以爲善

調攝當得三四年且歷歷言其脉息與沈痼之證如水
鏡之照心肝也亡婦不信之遂急了向平之價今年十
一月程氏女復歸寧而去因戲謂予言雖即死無憾矣
未幾果疾作迎吳大醫又不果來曰不來命也勿復強
迎之他醫坐視其嗒然而逝越五日亡婦弟汪伯會亦
得重病求之醫遣其子道中來投一匕劑即獲起死之
功嗚呼人生脩短固有數生者驗其死而瀕於死者能
生之如賢父子世其家學豈非醫師之良耶臨別請賦
詩輒效梁伯鸞作五噫歌以馮老懷之感傷兼告人之
未能盡識吳大醫者歌曰余配竟俎芳噫厥弟果甦兮

噫良醫稱盧兮噫孰爲其徒兮噫家學有吳兮噫

文

祭朱學士隆隱先生文

嗚呼先生之聰明卓絕天下之人皆知之大而天人之
道遠而造化之育精窮闔奧妙析毫釐不雷同而是是
不崖異以非非取六經與百氏之書稽悉標題而旁注
使後生小子一讀則了然而無疑是以螢窓雪案悅焉
惟日以莘莘先生於聖賢之學真有功於百世不但表
彰於一時昔之未達也則擬隆中之隱以孔明自期及
貢子有司而將達也遽遭奇運之流離然維新之朝雖

三聘而進寵以玉堂之華要而退脩之志終固辭而歸
理乎青囊之秘竒不立產業如疏太傅之說不入城府
如龐德翁之爲先生於行藏之義不但爲一時之矜式
真可作百世之宗師彼當世之士勢燄熏天聞此令終
於正寢亦敬慕而歔歔特可共恨者晨星霜木遺老殆
盡幘幘領袖晚進疇依不肖兄弟以先君托斯文之契
五十餘載故懶鈍之質俱蒙陶冶而扶持邇者驅於貧
而適於疾於先生門下跡雖慢而心不違客歲之臘忽
訃音之驚聽義當奔哭適丁家禍之掣熬今茲之來也
唯梅花初月浦思山悲先生之音容則邈乎其不可見

矣如之何其不苦淚之交順尊魂不昧鑒此芹私

祭子中弟文

嗚呼天不欲吾家昌大耶何吾弟有才而無福也四十八年手足之親而遽止於斯何禍患之來如是之酷也吾爲兄不死而哭弟豈非逆境耶弟臨死而不見兄豈不含冤耶五月初六前村路中兄弟三人執手而別言各寡而音咽視各疑而淚流又豈知此別與吾弟爲終古之隔耶七月十一日自館中歸見吾弟六月十五日手書大意以爲被奸猾之誣遭伴侶之滯幾至狼狽今並清寧爲之悲喜交集又十餘日已親家信歸忽報復

隨虎口中羣家驚惶徒行不能正履食不能下咽惟禱之神明託之天地或者得伸其屈而洗其昏待女長男歸遺其策應又未十日而凶聞遽來呼天號地不知汝屍之存亡也幸藉吾祖宗之靈造物之佑親戚之惠得遂蒸奠以竣機弟與汝次男遂取以歸安厝于門首之園以成吾弟之初志此猶見天道之稍有存而非人爲之所能沮害者則吾弟之生榮死哀無媿於先人可謂矣矣但老懷之悲痛而不能已者有三焉自今已往歲時節序欲兄弟三人團樂歡會如前時固不可得雖欲千里之外得吾弟數字之書胡可得耶其可傷者一也

比年以來寒族衰微後生凌替變不見齒于搢紳尚賴
吾弟聰明敏給卓立其間自今已往詩書之脉荒無孰
與我其振起耶茲論之風寢長孰與我其裁正耶其可
憐者二也女之六男有成有否皆未可知路途遙擔荷
重孤嫠滿室待哺嗷嗷其可憂者三也吾之父子與機
弟之父子所可協濟女之子者維當盡心盡力經紀維
持吾弟冥冥之中亦必有以陰相之也嗚呼鴈行風斷
鵲影月寒一奠永訣兩淚如潛尚享

行狀

故徽州路婺源州同知金公行狀

公姓金氏諱觀祖字府用其先漢京兆尹都成侯金欽
之苗裔以世遠其緒不可尋至十世祖諱宏圖始居新
安休寧縣治之西三十里曰洲陽千有諱詠於公爲六
世祖資產甲一鄉至五世祖諱文藻愛所居之東岸小
瑞山川秀美遂徙家焉是爲瑞溪金氏高祖諱脩和宋
迪功郎嚴州司戶參軍曾太父諱華宋咸淳戊辰進士
成忠郎武岡軍新寧縣主簿太父諱應鳳號桐岡宋國
學士舍父諱南召字子南元宣政院宣使母同邑隆阜
戴氏諱闈宋江東提舉司幹官村之女孫瑞溪之北一
里許曰長干林泉尤勝又築甲第而別居之生四男其

仲即公也而公之生實在瑞溪自幼性謹厚知讀書不
愛聲伎遊宴稍長首受業于定宇陳先生又受學于婺
源胡存菴先生能爲詩賦氣宇魁岸言論從容一時王
公士夫見者咸愛而敬之而公亦浩有建立功名於當
世之志家人生產作業一不以介於懷至於致君澤民
之道則且講慣而不捨也年甫三十去遊錢塘儒學提
舉白公廷玉以公直饒州路儒學總管韓公鏞深器重
之且曰職雖卑亦仕宦之一徑耳至正壬辰兵燹方起
鄉民相扇爲亂賴公喻之以義亟發貲粟募丁壯助有
司勦紅巾虜俘馘其衆魁以獻于江浙行省統兵官平

章政事三日八公即以其功狀移咨中書省以公爲祁
門縣尉歲乙未署公婺源州判官居無何又獲功陞同
知本州事婺源境接鄱陽斬黃寇往來至是城陷而復
者非一故民益困悴公於州之大姓多聯姻婭其諸利
害靡不洞知與知州李利用同僚協濟故能革誅求之
弊盡撫摩之誠翕然稱譽之而時事日益非矣初

聖朝之肇造區夏也寧河武順王姓鄧氏名某歲丁酉
是時王爲樞密判官平定徽州以總管張思聰戍休寧
知公名仍舉公同知婺源州事公以疾辭遂結草菴于
所居之石源窮谷中自號卧雲居士黃冠野服與樵牧

相爾汝者凡一十七年客至山疏村酒盡醉而罷暇日
惟哦疊山謝先生唐絕句詩評有不勝感慨者矣爲洪
武癸丑十二月初十日不疾而卒生延祐戊午九月初
五日享年五十有六嗟乎世事更十餘年不變使公之
賢才得以展其志取勲名爵祿詎止於此哉晚能遜跡
於寂莫之濱采山釣水惟適之安以善其身保全其孫
子亦可謂豪傑之士矣配黔邑程氏宋顯謨閣直學士
邁之六世孫慶元路穿山塩場管勾翔鳳之女諱學生
于富嬌而柔淑勤儉婦德母儀皆可爲法與公同年生
先二十二年卒子男一曰瑜七歲入小學不數月論語

二十篇即能背文暗誦穎異不群夏國公余廷心先生
贈以古篆奇童二大字女一適里士戴玘孫男一曰叔
夜方五歲繼室汪氏諱催先十五年卒公捐館之十五
日得辛酉之吉殯于同里積水塘之中隴程氏在外隴
汪氏在內隴既襄事其孤以予於公托同庚之好交從
之久泣而言曰先子平生心事履歷惟先生知之深願
爲狀其行敬撫拾其槩于右云

後圃黃先生存集卷之四

續明齋詩文附卷

翁謙維天字景高後國公之嗣孫也號簡明燦左
善於字學余愛其筆法純粹取搜墨迹乃得詩文
故本一紙前後殘缺惟所存者此耳茲因重刊後
圃公存集采爲附卷其尚孫修鐫敬壽諸梓若夫
歷履之實學士尊敬公已爲著筆詳
矣茲故得以畧云族裔孫孫玆謹識

題詹氏所藏山水

五城德祥

近山青蒼遠山碧陰雲杳靄晴雲白芳郊自有綠水紆
穿林本與紅鹿隔招提一似遠公祠安居不異楊雄宅
仙翁釋子足幽懷竹院相逢話疇昔川原變隄雲糝糊
欲從何處覓行跡新安深介萬山中紫陽虛谷聲輝赤
松蘿天葆鬱岩堯雲峰高映秋崖石削出芙蓉幾萬層

續明齋詩文附卷

翁謙維天字景高後國公之嗣孫也號簡明燦左
善於字學余愛其筆法純粹取搜墨迹乃得詩文
故本一紙前後殘缺惟所存者此耳茲因重刊後
圃公存集采爲附卷其尚孫修鐫敬壽諸梓若夫
歷履之實學士尊敬公已爲著筆詳
矣茲故得以畧云族裔孫琰謹識

題詹氏所藏山水

五城德祥

近山青蒼遠山碧陰雲杳靄晴雲白芳郊自有綠水紆
穿林本與紅鹿隔招提一似遠公祠安居不異楊雄宅
仙翁釋子足幽懷竹院相逢話疇昔川原變隄雲糝糊
欲從何處覓行跡新安深介萬山中紫陽虛谷聲輝赤
松蘿天葆鬱岩堯雲峰高映秋崖石削出芙蓉幾萬層

飛懸瀑布數千尺天台廬阜兩悠然採藥觀棋總仙客
臨圖撫景興遄飛掀髯一嘯天地窄

題村景示姪

文筆峰高秀入雲清漪之水深渾渾長橋古渡岸南北
喬木陰森溪上村書聲比屋無俗事文章傳世稱儒門
祇今學業不復振光陰拋擲如流奔勗哉後輩宜自勉
古訓流風猶有存

次程叔潤題所居村景韻

雲溪烟樹鬱蒼蒼中有高人肯構堂松月夜窓生綺繡
竹風午檻響琳琅書成萬聖勤開卷筆掃千軍醉倚床

慶址多賢文德盛蛟湖深衍慶源長

紫茄圖

曾聞秦博軒前置特詔旌褒有令名今向青門問姓
看幾多風致可人情

葉原翁孤舟漁隱卷

君不見松蘿山嵯峨秀出天地間又不見孤舟嶺盤環
宛似神仙境界葉翁遂以漁隱名幽棲結構屋數楹虛窓
晃朗山月皎高檐縹緲川雲橫桃花流水春色好白蘋
紅蓼秋光瀨懶披蓑笠釣滄浪獨抱群經樂精討蘭蓀
桂子森目前菜衣五彩飛翩翩晨昏甘旨娛色養坐享

景福延高年熊羆應兆心無慕羊裘不着耽儒素功名
富貴如毫毛托此嘉名永無敦

饒縣尹劉公

劉侯卓犖真絕奇蚤膺鶚薦朝 京師承恩已展四方
志勤勞宿夜無稽違一朝領職居蓮幕秋月始始照民
瘼簿書案牘不憚煩琴堂贊畫多雄畧是非果斷明如
神三年獄訟無冤民絃歌百里風化美桑麻桃李皆酣
春昔嘗解組登長道父老憂心怒如擗叩頭 天闕訴
庶能幸遂借留還職早今茲報政上 堦京老藎送別
難為情願公指日巡徽地再施霖雨甦蒼生

羅侯忠養堂卷

百年父母早違離春雨秋霜倍感悲得祿莫能供滸
升堂無復見容儀寸菴端與仲淹契一念還同子路思
藉藉嘉名昭孝行公餘追嘆夢我詩

用吳純中韻呈任本立

每羨先生德潤身風流儒雅邁前人詞源直瀉銀河水
學海深涵天地春盤谷隱居原有道 金鑿石對更無
倫米壺秋月多清興委翅樊籠不得親

清明掃墓

拜掃先塋日乍長無邊景物競時光龍蟠虎踞鍾靈秀

水繞山環抱吉祥盃酒未傾心百折麻衣欲濕淚千行
大恩罔極知難報祭祀烝嘗敢自忘

暮春

朝來緩步小橋東萬紫千紅擁地蓬蜂蝶已虛芳徑外
燕鶯還愛綠陰中杜鵑叫落家家月柳絮飄殘處處風
從此詩懷清興少且將盃酒惜春融

清明日族伯叔輩約過西湧諸處拜墓

明春風輕送曉寒一門長幼共登山溯流豈憚尋源遠
詢祖寧辭涉嶺難昔日狐狸今走遁舊時龍虎復盤桓
仙觴告奠陰靈鑒永此孫枝百世安

祭十三朝漢世祖文

仰惟吾祖座玉湖塘名香竹帛猶若圭璋一朝美續千
載流芳豈料鼠輩竊葬墓傍同門憂分舉族悲傷一訟
得理三啓所蔽惟茲橫逆俱罹禍殃其等載慮寢寢少
安幽陽梓擇谷且敬設豆觴上新寧遠下冀禎祥子孫
蕃衍宗族京昌尊魂如在願鑒烝嘗

憶橫山先生

半年不見程夫子握手相逢在市廛筆底文章流峽水
胸中造化本先天一宵清論塵緣脫十載貧交道誼堅
後夜相思何處是娟娟明月柳塘邊

別吳廣文

延陵高士溫而良，丰姿凜凜如秋霜。芹宮胄監久陶鑄，
才優學博難韞藏。一朝發軔青雲路，承恩攝教官休
陽。休陽邑庠多俊傑，相逢一笑生輝光。嚴勤篤志勵清
苦，日將月就無荒唐。由茲歲貢騰顯擢，仁風化雨交飛
揚。每懷親舍隔千里，晨昏甘旨不得將。憂心惻怛長歎
息，白雲天際懸思望。訃音倏忽來耳側，呼天踏地摧肝
腸。束書捲卷出泮水，辭官解印還故鄉。士友分携情繾
綣，一尊酌罷登車航。人生胥會固有定，相思遂同江水
長。

欄柯圖

遠代焦蘇上翠微，偶逢瓊老坐園基。因觀形勢多
不覺，光陰屢轉移。欄柯方自惜，歸來屢事總堪悲。
何時遇得龍眠手，畫作新圖更絕奇。

橫江書舫卷

橫江書舫最清幽，中有英才德業優。門徑往來無俗客，
沙堤翔集有輕鷗。一帆風月資吟咏，萬卷詩書自進脩。
異日濟川作舟楫，好抒忠赤副嘉猷。

餞程汝器往襄陽省親

一天梅雨正淋漓，不憚驅馳漢水湄。山館葦雞朝起早

江船對月夜眠遲三千里外供其音十五年來話別離
好待嫩親賦歸去黃花采采蒲東籬

劉生扇面

素紈皎潔如霜雪一入掌握涼風發龍眠老手寫新圖
泛泛輕舟弄明月

餞判簿羅侯

羅侯家康山累代稱望族早晨經綸材來作休寧牧蒞
政秋月明號令晨霜肅潛心究簿書勞彤事案牘贊佐
善資謀判決如神速僚友託賢能吏民咸悅服百里謠
絃歌三年空訟獄夜雨長奈麻春風生草木今當報政

驛遠觀黃金屋

大明麗中天四海皆家福葵最拜川壘雨露深膏沐
願遂借留借駕輕而馳饒兒童竹馬迎父老尤極日好
樞終惠心暫淹騏驎足九載考幽明萬里攀黃鶴水輔
堯舜君榮享千鍾祿

寫梅

羅浮仙子倚南枝不着鉛華也自竒鉄石心腸終不改
任渠飛雪撲香肌

爲邑侯作重建東山汪公祠祝版文

惟神德被六州名香千古褒謚累朝廟食茲土烜赫威

天昭于海宇瞻此下民夙蒙主撫某叨承

天命來牧休寧賴神默相訟簡政平東山祠宇頽然若
傾唐拍已倖幸衆重營美輪美奐不日落成神天既安
民物咸亨一簣稱賀俯鑑厥誠俾予庶職爵祿永膺

扇題

林木蕭疎挹素秋澄江萬頃翠光浮幽人擬是玄真子
長向烟波理釣舟

奉餞晉大尹秩滿朝京

珊珊鳴珮上京師正值

皇恩誕布時四海魚龍咸變化萬方民物樂維熙金門

待漏通青漢玉笋齊班拜赤墀奏最定應登顯仕好施
惠澤慰民思

餞別吳彥和還普定役

憶昔征南正妙年歸來雙鬢覺蒼然升堂喜見慈親健
繞膝驚看令子賢愛日方宜供菽水秋風又復買江船
人生胥會皆天定忠孝由來寤兩全

上郡守張從道公

五馬翩翩下海寧枯荻槁木悉回生皎如秋鏡明蟾潔
湛於寒潭止水清慈母每憂嬰老病孤身未得竭忠誠
塵階再拜陳詩句願鑒區區人子情

贈積中之柳州興寧縣任

溪頭送別正芳春風翻高搏楚塞雲况是魚龍初得浪
何妨鴻鴈暫離群持身已見冰霜潔莅政還須玉石分
喜除 皇天開泰運好抒忠赤樹華勛

許由圖

君若堯舜民惟公隱遁獨離倫棄瓢洗耳欲何用
致使莊生侮聖人

餞晉大尹之蔚州

一從捧檄下休寧紀綱綱明政化行百里回生多惠澤
九重奏最有嘉名正看紫誥來 楓陛又沐 皇恩守

蔚城頌我細民何所恃輦轅卧轍不勝情

餞劉幕賓之思城州

清風蓮幕久敷揚下邑疲民賴撫匡一片忠心懸夜月
七年號令凜秋霜未看報政朝 丹闕先拜除書佐大
方老弱相看心欲苦借留無計面 君王

陳侯玉清書屋卷

勝地臨仙境希賢志獨奇清幽揚子宅瀟灑董生帷磬
穀非無術穿楊已見知公餘猶對畫不忘讀書時

晉大尹瞻雲思親卷

東岳溶溶起白雲臨風悵望倍思親九天雨露垂恩重

千里家山入夢頻，負米食糲寧復得弄雛。取水莫前陳
求言錫類應無極，到處行沾德化新。

贈別劉舍昆玉

携書過我正青春，夜雨燈窓請業勤。數載漸磨情易合，
一朝送別袂難分。填荒迭奏宮商調，鴻鴈高飛南北雲。
珍重此行加勉勵，會看登用樹華勛。

寄瀛島

蘿山千載共栖依，會蓋曾無半日違。自擬魚龍同變化，
那堪鴻鴈兩分飛。月明池館鶻聲急，春盡園林蝶侶稀。
料得思思風雨夜，定應有語念寒微。

贊黃村志清知州像

公姓黃名滄，字志清，世居邑南之黃邨。少由穎宮入
大學，以儒業初授鄆州知州，後改授濮州，終於間其
德政之著於時者，顯顯然也。景泰五年始見公之像，
於是拜手而爲之贊。

稟受乎天地之清，依輔乎日月之明。以文章而登顯仕，
光前烈而垂鴻名。畏服人以德政，處置事以公平。可謂
仁民而愛物，是宜安富而尊榮也耶。

咏梅次韻

寄吳子春

一枝瀟灑碧波涯，歲歲衝寒先着花。歷盡雪霜心不改，

還隨清夢到詩家

姑賦倦人自絕奇心如鐵石玉為肌幽懷不向東風訴
歲晏江空有所思

次韻復士寧兼簡伯善

自歎書齋接孟隣塵緣汨汨莫能禁清宵永日無良晤
流水高山少賞音閑倚危樓延佇久長懷尺地別離深
人生胥會何如此幾度詩成祇自吟

商山高隱幾經秋力學潛心邁仲山由過北窓應爽垲
月明西席更清幽滿懷吟興生春草盡日書聲出竹洲
寄我新詩多俊逸切磋還宥往來不

寫玉球花

悞落揚州幾歲寒林宮玉宇護仙壇時人相見不相識
欲作棠梨一樣看

江湖勝覽卷

龔君來自大江西琴劍詩囊取次携眼底縱觀窮宇宙
胸中豪氣吐虹霓吳山楚水開圖畫燕月秦雲入品題
愧我風懷湖海志祇今林下尚幽棲

翩然華旆過松蘿勝覽襟期風月多湖上放懷思賀鑑
江頭吊古憶曹娥投閑老我夢初覺經濟嘉君志不磨
何日排雲叫閭闔定應身沐鳳池波

寫菊

桂花開盡芙蓉發競逞容華當秋月老圃踈籬未寂寥
一種幽香清到骨管城昨夜飛玄霜英姿不比丹雌黃
欲識淵明借隱逸也須茂叔爲平章

示子生蕭

爾不見古人映雪夜讀書今人白日多閑居又不見古
人寸陰猶可惜今人長年任虛擲古人今人趨不同行
思坐念心中忡忡生知安行聖者事競辰警世開群蒙天
光雲影靜沉沉援筆題詩感寸心迷途未遠早追悔願
爾學古莫學今

三友圖

君不見徂徠山蚌仰嘯天風寒又不見淇水澳鳳屏
參差森綠玉誰知東川官舍中英姿雜遘棘榛叢一自
相傳廣平賦已有調和鼎鼐功古人体物已得譽今我
吟味恰清癯吟消癯德不孤爲君題作三友圖

鵝鴝圖

顧彼原上鵝行搖飛且鳴詩人善體物取譬急難情君
家好兄弟友愛多嘉名時能看圖畫可當座右銘

次韻復程彥章

道學流芳喜有源客窓一見豁塵緣襟期洒落寬湖海

文采風流冠市廛，莘野躬耕膺幣聘。草廬枉顧起龍眠，莫言嘉遁山林下。祇恐徵書萬里傳。

送葉楚才之京

天挺奇才邁世賢，乾坤至理獨精專。承恩曾列鸞班內，挾策重趨鳳闕前。千里關山馳驛馬，一帆風月送江船。行沾殊渥，朝回後依舊松蘿樂歲年。

次金彥忠寄韻

璫溪高隱樂三餘，架插牙籤萬卷書。丹桂飄香凝謝砌，綠筠挺秀護陶居。光風霽月長隨我，肥馬輕裘不問渠。傲睨乾坤心浩蕩，從他塵世事紛如。

餞趙廣文彥全

傳家道學有淵源，十載論文膠膝堅。寶匣再開三尺水，錦衣還覩

九重天。雲霄恩重搏飛翮，驛路風清爽去轍。回首相思何處是，東山新月正娟娟。

方山樓卷

河南道學鳴千載，更有聞孫濟世才。蒲架詩書娛歲月，數間樓館絕塵埃。雲山烟樹俱環遶，詩客仙翁數往來。此地人間寧有幾，何時容我共徘徊。

嚮明齋附卷終

既後圃先生存集後

族翁後圃先生當元季隱居不仕讀書自娛豐
腴營業讓於諸弟而自屏居於後圃蘊藉日深
送遊益衆名則日起入

國朝屢聘不就也凡有感遇輒見於咏歌每篇章
一出人爭傳誦之然自未嘗留稿是故不得而
彙焉先生既歿門人戴先生與其子則惠公求
諸鄉士夫家僅撫百之一二命曰存集繡諸梓
矣繼而罹燬殘缺於是稿之存者益鮮嗚呼先

生之文匪徒藝之為工為實英華豈無幾於道
耶何湮於今而使世莫知之者遠重有傷焉一
日族老僉謂曰先生之集傳於昔而晦於今吾
子孫之責也幸而得覓其遺文四卷洎其胤景
高翁嚮明集一冊總為一帙欲梓以傳遠躍然
曰述先啓後吾素志也敢襄厥事以成庶幾彰
先世之幽光而吾人亦以道不明不仁之謹云
晉

嘉靖歲在庚戌端陽日國學生族孫適百拜謹啟